

# WANTOLK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

40 pes

Namba 1033

Wik i stat long Fonde, April 14, 1994.

40 toea

## LAE PLES BALUS

## BAI KOS K100 m

...pilai politik bai opim olupela ples balus

GAVMAN bai lusim K100 milien long opim gen olupela ples balus bilong Lae.

Tasol long wankain taim, bai i gat ol narapela kos tu bilong stre-tim ples na ol masin bilong mekim ples i orait bilong ol pipel long yusim.

Minista i bosim wok bilong Turisem na Sivil Eviesen, Avusi Tanao i bin mekim dispela tok-tok long bekim askim bilong Edukesen min-ista, Andrew Baing long opim gen Lae ples balus.

Mista Baing em memba bilong Makham. Na em i bin tromoi dispela askim long taim bilong Faces of PNG semina long Lae las mun. Na em i wok long tromoi toktok yet long dispela samt-ing.

Gavman i bin pasim Lae ples balus long Epril 29, 1987. Mista Tanao i tok dispela i kamap bihainim ripot bilong ol saveman.

Hia em sampela bilong ol bikpela hevi we i suvim gavman long pasim Lae ples balus:


- Tupela ples balus bilong Nadzab na Lae i stap 40 kilomita longwe long wanpela na nara-

pela insait long Makham Veli. Na hap maunten we i kirap namel long tupela sait bilong ol i givim liklik spes tumas bilong ol balus long abrusim wanpela na narapela, na mekim ol ron bilong ol;

- Long taim i gat bikpela ren na win, ne gat wanpela liklik balus inap pundaun long Lae ples balus Bikos ol ples long hap bilong Huon Galp save bagarap olgeta. Olsem na long planti taim i save no gat wok. Long planti taim, ol liklik balus i save stap nabaut ausait;

- Em i isi long kisim ol toktok na arapela ripot bilong ol ron bilong ol balus long Nadzab, bikos em i gat strong-pela masin. Pawa bilong masin long Lae ples balus taim em i op yet i no strong tumas;

- Rot bilong balus long ron long Lae em i sot-pela tumas. Na no gat wanpela wok bilong brukim ples balus i go bikpela inap kamap bikos long wanpela sait i gat solwara na long narapela sait em ol setelmen i stap. Na maunten bilong Simbu i go moa long pes 3



• Tupela wanwok bilong Patrick (long namel), Eko Binene long raithan na Sam Tamikot long lephan i soim hamas sapot em tupela i gat long kas bilong tupela. Hia em ol i sindaun bung wantaim i stap long opis.

### ...Bikpela prop Kiap na Lae Bombers

INAP long tupela bikpela pilai bilong Lae Bombers long ol wiken i go pinis, wanpela strongpela pilaia bilong ol, Patrick Kiap i no bin sanap wantaim ol poro bilong em long fil.

Dispela em long taim Bombers i bungim Simbu Warriors na Hagen Eagles.

Dispela long wanem em i bin gat bagarap long bodi bilong em. Tasol long dispela wiken, em i redi tasol long

putim gen yunifom taim ol boi bilong Wopa kantri i bungim ol snek nogut bilong Mosbi.

Bikpela ragbi lig pilai bilong Inta Siti Kap resis long Sande bai stap namel long Lae Bombers na Mosbi

Vipers. Na em bai kamap yet long asgraun bilong ol mangi Bombers.

Dispela boi Hagen husat i gat 24 krismas tasol i bin stat pilaim representativ futbol i go moa long pes 25



## COASTER BAS

EM NAU... NAMBAWAN PMV BAS LONG PAPUA NIUGINI NAU ILUK SMAT MOA!

 TOYOTA

PORT MORESBY 229400 LAE 422322 RABAUL 921988 MADANG 822188  
GOROKA 721844 MT HAGEN 521888 WEWAK 862255 KAVIENG 942132  
KIMBE 935155 TABUBIL 589060 VANIMO 871254 PORGERA 579367  
ALOTAU : WALTERS WORKSHOP PH 611174

**Ela Motors**  
OLGETA HAP

Ripot bilong Bogenvil long dispela wik... wantaim VERONICA HATUTASI na ALOYSIUS SAMI

# Senis no ken kamap long provinsal gavman nau, bung

WOKABAUT bilong komiti bilong siaman bilong Konstitusinel Riviu Komiti Ben Micah i mekim ol pipel long Not Solomons i stap wantaim planti tingting na wari.

Komiti bai go long provins long dispela mun.

Bihainim dispela, wanpela bung i bin kamap long Katsinkuri gavman stesin long Buka bilong toktok na redi long wokabaut bilong Micah komiti.

Siaman bilong Buka Interim Atoriti, Thomas Anis i bin go pas long dispela bung. Ol

lain husat i kamap em eksekutiv opisa bilong Bogenvil Pis komiti James Togel, ol sinia opisa bilong Not Solomons edministresen, ol arapela hetman bilong ol komyuniti wantaim sampela pipel bilong ples.

Long bung, ol bikman i bin paitim toktok na glasim wanem kain senis tru komiti bilong Mista Micah i laik kamapim long ol provinsal na lokol gavman sistem nau i stap long en. Na wanem samting bai kamap long Not Solomons provins sapos ol

kain senis em komiti bilong Mista Micah i tingting long mekim i kamap tru.

Long miting, ol bikman i tokaut olsem ol i no laikim senis long provinsal gavman sistem i kamap nau. Bikos ol i tok dispela bai rausim pawa bilong ol pipel na givim i go long han bilong ol nesenel politisen tasol.

Miting i bin lukim tu olsem ol i no laikim sampela liklik lain tasol i oraitim tingting bilong Mista Micah na ol i ting

olsem ol i makim laik bilong olgeta pipel long provins.

Ol bikman i tokaut klia tu olsem nogat protes o wanem birua bai kamap sapos Mista Micah wantaim komiti bilong em i go long provins long dispela mun. Bai i gat taim yet, ol i tok, bilong ol pipel long givim tingting bilong ol long dispela komiti.

Dispela bung i bin makim tu ol man bilong wan wan kaunsol ov sief eria bilong stap insait long komiti bilong paitim toktok wantaim Micah komiti.

## Ol lotu gat bikpela wari

OL lotu bilong Papua Niugini i gat bikpela wari nau bihainim ol bikpela hevi em i kamap gen na go het yet long Bogenvil inap long tripela wik.

Ol sios i wari bikos planti manmeri na pikinini husat i no wokim rong i wok long dai nating long han bilong ol lain Bogenvil Revolusineri Ami.

Ol trabel na hevi long Bogenvil ailan i abrusim 5-pela krismas pinis. Tasol ol bagarap na dai i no pinis yet.

Olsem na ol bikman bilong ol sios long kantri i askim strong gavman long traim painim hariap sampela gutpela rot bilong pinisim ol hevi long Bogenvil.

Ol Katolik Bisop bilong Papua Niugini na Solomon Ailan i wari na askim watpo tru na ol lain BRA i kilim nating planti man nau. Pasin em ol lain paitman ya i mekim long kilim 17 pipel insait long wanpela de long Buin tripela wik i go pinis.

## PPP kirapim nau opis long Buka ailan

PIPELS Progres Pati (PPP) i kirapim wanpela han bilong em nau long Buka.

Klostu long 300 pipel bilong Buka ailan i kamap memba bilong PPP pinis.

Ol lain memba nau i redi tasol long wok insait long nesenel ileksen em bai kamap long 1977.

Ol makim pinis ol eksekutiv memba bilong pati. Paul Kemu em i kamap siaman bilong PPP na namba tu siaman em Jim Tatim. Tresera em Joseph Tukan na Ray Jim i kamap olsem seketeri.

Mista Kemu i tok olsem PPP long kantri i laik kirapim na go hetim strong wok politik bilong en long Buka long makim laik bilong ol pipel bilong en.

PPP i nupela pati we i kamapim han bilong em nau tasol long Not Solomons provins. Planti pipel bilong provins i strongpela sapota bilong Melanesien Alaiens Pati. Na sampela lain i save sapotim Pangu Pati.



Hait long san...Ol dispela lain pikinini long Buka i les tru long bikpela san. Olsem na olgeta i go bung aninit long wanpela olupela ka bilong karim ol kago em i slip nating i stap. Wanpela tasol i soim strong liklik. Foto: Aloysius Sami.

## Asitavi komyuniti na haikul pas gen bihainim trabel

DIVISEN bilong Edukesen i wari tru long planti samting nogut i kamap nau long bikples Bogenvil we planti man nating i dai, na ol skul i bagarap. Bikos ol hevi long ailan i kamap bikpela gen.

Asitavi komyuniti na haikul wantaim i pas pinis bikos ol birua man i kilim wanpela wasman bilong skul. Na ol i bagarapim tu sampela skul sumatin na ol haus long skul. I gat ripot tu bilong

paia i kukim ol samting bilong Ameno komyuniti skul long Nagovis. Wanpela skul tisa bilong Siwai tu i kisim bagarap long bodi bilong em long han bilong ol birua. Ol dispela samting i

mekim na ol bikman bilong provinsal Edukesen seksen, ol papamama wantaim ol tisa long Bogenvil i tingting planti. Bikpela wari i stap long sefti na sindaun bilong ol tisa na sumatin.

Olsem na ol i no save bai ol i skul yet o pasim ol skul long provins.

Asisten Seketeri bilong ol skul long provins, Aaron Rigamu i bin tokaut long dispela insait long wanpela insevis kos bilong ol haikul tisa long las wik. Kos i bin kamap long Hutjena haikul stat long Mande, Mas 4 na pinis long de namba 8.

Mista Rigamu i tok wok bilong Edukesen long provins i mas kamap strong na go het. Edukesen em i rot i go moa long pes 4

## Kos bilong luksave namel long ol marit

PLANTI wokman bilong gavman long olgeta hap bilong Bogenvil na Buka wantaim ol wimen's lida na siaman bilong ol Interim Atoriti long ailan i bin sindaun long wanpela woksop long Buka long tupela wik i go pinis.

Ol i bin holim kos long Hahela YC Hol inap long wanpela wik.

Dispela kos i bin givim save long ol wok manmeri long pasin bilong givim luksave long wanpela na

narapela.

Kodineta long wok bilong ol meri long provins, Elizabeth Burain i bin autim ol pasin nogut bilong ol man. Em long giaman, stil, pasin pamuk, pait na kilim dai man na planti arapela samting moa. Grup bilong Misis Burain i bin tokaut tu olsem ol man i no save givim taim long ol meri long malolo.

Maski meri i pinisim ol wok na em i skin dai, em i mas pinisim laik bilong man bilong em.

# PLIS RIPOT



**MOSBI, Nesenel Kapitel Distrik:** Wanpela liklik meri husat i gat 15 krismas i kisim taim long peim kot long K200. Plis i no autim nem bilong em, tasol ripot i tok kot i painim olsem em i rong long salim strongpela dring long Ista Wiken long wanpela haus long Hohola.

Em i sanap long ai bilong kot long dispela wik na tokaut olsem em i tru long em i wokim dispela pasin.

Kot i painim em i rong na sasim em long peim K200.

**BUKA, Not Solomons:** Tupela bikman bilong ples Lonahan insait long Tsitalato wantaim narapela tripela man i bin kamap long ai bilong Nesenel Kot long Buka long sas bilong kilim man.

Nem bilong tupela bikman ya em Bealik Rangata na John Latu. Na narapela tripela man em long Leo Hetana, Joseph Gimis na Peter Lessie.

Kot i painim ol i rong long kilim Joseph Kela long Ogas 26, 1990. Man husat i dai em i bilong ples Telatu long Buka ailan.

Dispela em i namba tri taim bilong dispela 5-pela man long sanap long ai bilong kot. Loya bilong ol, Kevin Latu i bin askim sapos kot i ken rausim ol long beil bikos i kam inap nau, ol i bin stap long han bilong plis tasol.

Jastis Theresa Doherty i oraitim ol long peim K150 long wan wan man. Na ol bai kamap gen long ai bilong kot tude.

Long wankain taim tu, kot i kalabusim wanpela man inap long 4-pela mun wantaim bikpela mekim save long giaman na stil long pasbuk bilong em yet.

Man ya em Paul Edward husat i wok long Southern Enterprise kontrak kampani long Buka.

Ripot i tok long Disemba 28 long las yia, ol plisman i bin sasim Edward long rausim mani long pasbuk bilong em wantaim tingting bilong stil.

Edward i bin gat K50 tasol long PNGBC pasbuk akaun bilong em. Taim em i go long beng, em i putim namba 1 klostu long namba 5 long mekim hamas mani em i gat long pasbuk akaun i go antap long K150. Olsem na em i pulimapim fom bilong rausim mani inap long K110.

Bihain long dispela, balens long pasbuk akaun i bin stap long K40. Orait, em i kirap na putim namba 9 klostu long 40 na mekim akaun balens i go long K940.

Em i laik rausim gen sampela mani moa, tasol ol beng opisa i luksave pinis long trik bilong Edward na tok save long plis iong dispela samting.

Plis i bin holim pasim em long dispela taim na sasim em long stil, giaman na senisim namba.

Em i kamap pastaim long ai bilong Buka Distrik Kot, tasol rong i bikpela tru na ol i skruim kot i go long Nesenel Kot long harim.

Bihain long em i skelim olgeta toktok, Jastis Doherty i tokim Edward olsem em i bin gat tingting pinis long mekim giaman pasin na stil long pasbuk bilong em. Na em i gat tingting long go het wantaim dispela pasin we i no stret.

Tasol Jastis Doherty i bin askim kot long isi long Edward bikos em i tok sori long pasin nogut em i mekim. Na em i no haitim ol rong bilong em.

Edward i bin askim tu kot long no ken givim bikpela mekim save long em long wanem em i tok long peim bek mani em i stilim. Tasol jas i tokim em olsem kampani em i wok long en i no amamas long kain pasin em i wokim. Em bai kisim mani we long bekim rong em i wokim, Jastis Doherty i askim.

Em i tok tu olsem sampela kot i save rausim sas bilong ol man taim ol i peim bek samting ol i stilim o paulim.

Kot i salim em long 4-pela mun kalabus wantaim bikpela mekim save, tasol kot i rausim wanpela mun long en bikos Edward i bin mekim sampela wok wantaim plis long taim em wetim kot.

Kot i bin tokim em olsem bai ol i rausim ol de na mun long sas bilong em sapos em i bekim bek sampela mani we em i stilim.

# Bikpela helt kibung bai kamap nau

## RODNEY KAMUS | raitim

NAU yet planti toktok i wok long kamap olsem ol haus sik, helt senta na ol edpos insait long ol provins na ples kanaka i bagarap. Na ol pipel i no kisim gutpela sevis.

Dispela samting i kamap na planti hap insait long kantri i no save kisim gut tumas ol helt sevis. I gat planti samting i stap em ol bikman bilong Helt Dipat-

men long nesene na provinsel level i mas sindaun na toktok long en.

Helt minista Francis Koimanrea i bin tokaut long ol dispela samting long Trinde.

Mista Koimanrea i tok olsem long Me 9 i go inap long Me 13, bai i gat wanpela kibung i kamap long Mosbi. Na dispela kibung em olgeta provinsal minista bilong Helt, Dipatmen Seketeri na Asisten Seketeri bilong Helt bai kamap.

As tingting bilong holim dispela kibung em long lukluk long wanem kain developmen helt i wok long kisim long taim bilong independens i kam inap nau. Na kamap wantaim sampela tingting bilong mekim gut ol helt sevis long ol yia i kam bihain.

Mista Koimanrea i tok olsem dispela kain bung bai nesene gavman i ken luksave olsem wanem kain sevis tru ol lain long provins i wok long givim ol pipel na hamas samting moa ol i laikim long gav-

man. Insait long dispela bung bai ol i lukluk long:

- polisi bilong gavman i go long helt
- Ol helt polisi bilong wan wan provins
- mensesmen na edministresen bilong ol helt sistem long provin-sal na nesene level
- ol developmen bilong helt sevis long taun, distrik na ol ples kana-ka.
- hamas wokman wan wan

provins i gat long mekim wok • oganaisim helt sistem gut na kisim sapot i kam long ol narapela kantri

• rot bilong was gut long ol samting bilong bringim helt sevis; na;

• kamap wantaim sampela rot bilong stretim ol dispela hevi. Mista Koimanrea i bilip olsem dispela bai helpim tru ol provins long luksave long wanem samting ol i mas mekim na wanem samting moa ol i laik gavman bai givim sapot long en.

# Saveman tok spakbrus no samting bilong pilai moa

## GODFRIED YASSAFAR | raitim

GAVMAN bilong Papua Niugini i mas luksave olsem hevi bilong smokim spakbrus insait long kantri i wok long kamap bikpela. Na dispela hevi i ken bagarapim planti gutpela saveman na meri long kamap olsem ol gut-

pela lida bilong ranim dispela kantri long ol yia bihain.

Long daunim dispela hevi insait long kantri, gavman i mas mekim wanem samting? Wanpela gutpela rot em long gavman apim mani bilong ol samting

olsem kakao, kopra na kopi.

Long hap bilong Hailans rijon, gavman i mas apim mani bilong kopi. Bikos dispela bai stapim ol pipel long planim na salim mariwana.

Long nau yet, planti pipel long 5-pela provins long Hailans rijon i wok long planim

na salim mariwana bikos prais bilong kopi i no gutpela tumas. Na ol i luksave olsem mariwana i ken givim ol bikpela mani long sotpela taim tasol.

Dokta Felix Johnson bilong bikpela haus sik long Mosbi i tokaut long dispela samting long Trinde, Epril 13.

Dokta Johnson i

tokaut long dispela samting taim em i tok-tok long wanpela wok-sop bilong spakbrus em Nesene Nakotiks Biro (NNB) i ranim. Woksop ya i stat long Mande na bai pinis long Fraide, Epril 14.

Long toktok bilong em, Dokta Johnson i toktok long ol kain kain hevi spakbrus mari-

wana, bia, ol arapela smok na tu buai i ken kamapim.

Dokta Johnson i tok gavman i mas luksave long dispela hevi nau. Bikos dispela hevi em i no isi samting.

Planti yangpela manmeri, pikinini na tu ol lida na bikman na meri insait long kantri i wok long planim, salim, na smokim. Planti bikman olsem ol bisnisan i wok long yusim ol yangpela pikinini long salim mariwana long wokim mani bilong ol.

Em i tok long nau yet, 50 pesen bilong ol yangpela pikinini, kris-mas bilong ol namel long 6 na 12, em ol i save raun nating long

strib i save smokim spakbrus mariwana.

"Spakbrus bilong Papua Niugini i winim tru spakbrus bilong planti arapela kantri. Bikos em i gat gutpela swit bilong em. Olsem na planti manmeri long ol ovasis kantri i save laikim long smokim spakbrus bilong Papua Niugini," Dokta Johnson i tok.

Dokta Johnson i tok sopus gavman bilong Australia i putim kamap lo i givim tok orait long ol manmeri long smokim mariwana, wok bilong planim na salim mariwana bai kamap moa bikpela long Papua Niugini.

# PNG Red Cross laik skruim wok go long Solomon Ailan

## VERONICA HATUTASI | raitim

PNG RED Kros Sosaiti i mekim bikpela wok tru long Bogenvil wantaim ol klos, marasin, ol samting bilong kukim

kaikai na ol arapela samting moa bilong helpim ol pipel insait long ol kea senta. I kam inap nau,

Sosaiti wantaim helpim bilong Intanesene Federesen bilong Red Kros, na Red Kros Sosaiti bilong Australia, Nu Silan, Japan na Aislen wantaim Yuropien Ikonmik Komyuniti

wantaim ol ovasis gavman i tromoi pinis moa long K50 tausen bilong baim ol samting bilong ol Bogenvil pipel husat i stap nau long ol kea senta long ailan.

Siaman bilong Sosaiti, Gei Ilagi i tok Red Kros i bin stat wok long Bogenvil long 1988 taim ol i putim ol pipel insait long ol kea senta long Arawa. Dispela wok i go het strong yet. Nau i gat moa long 40 tausen pipel insait long ol 30 kea senta long Bogenvil.

Em i tok tu olsem nau sosaiti wantaim ol lain bilong en i tingting long helpim ol Bogenvil pipel na famili husat i stap anit long lukaut bilong ol marimari grup na ol asples pipel bilong Gizo na ol arapela moa ples insait long Westen Solomon. Long nau, i gat moa long 300 Bogenvil pipel husat i nidim helpim i stap long Solomon Ailans.

Long aste, rijonal mausman bilong IFRC Terry Butt i bin go long Solomon Ailan bilong luksave na sekap long sindaun bilong ol Bogenvil pipel long Solomon Ailan. Na wanem helpim tru Sosaiti na Federesen inap givim ol.

Mista Butt i tok tu olsem em bai makim wanpela fil opisa bilong lukautim ol dispela pipel. Na tok save long ol Red Kros opisa long wanem ol samting i ol nidim tru long helpim ol i sindaun gut long ol kea senta. Bikpela samting we sosaiti na federesen i mekim nau long ailan em long banis sut program bilong ol pikinini long Bogenvil.

Stat long taim program i kirap long las mun, moa long 800 pikinini long Wakunai i kisim pinis ol sut bilong pasim sik TB, polio, misels na strongpela kus.

# Lae ples balus bai kos K100m

i kam long pes 1

Hil tu i mekim dispela i no inap kamap, bikos balus inap bamim kona bilong maunten; na

• I rat bikpela pret tu bik s ol birua long ples balus inap bagarapim planti hap olsem haus sik na ol skul. Na dispela hap i save pulap long ol pikinini, papa na mama. Na dispela em i no gutpela.

Mista Tanao i tok dispela toktok long hevi bilong go long Nadzab inap pinis sapos ol

balus kampani i ken putim ol masin bilong sekim tiket wantaim kago long ol Lae opis. Na tu i mas gat bas bilong kisim ol pasindia wantaim ol kago bilong ol i go i kam long Nadzab.

Em i tok sapos wanpela man i skelim Nadzab wantaim Lae na Hoskins wantaim Kimbe long Wes Nu Briten o Momote wantaim Lorengau long Manus, tupela i longwe stret. Nadzab na Lae i stap klostu tru.



• Long hansut, Gei Ilagi nupela siaman bilong PNG Red Kros Sosaiti wantaim ol wanwok bilong em i sindaun toktok long ol niusman long wok Red Kros i mekim long Bogenvil. Long namel em Terry Butt, rijonal deleget bilong IFRC na long hankals em Sue Darby, deputi siameri bilong sosaiti.

**TOB**

EM GRISIM PORO BILONG EM NA GO SINDAUN INSAIT LONG KOMENTETA BOKS NA SAPOTIM OL VAIPAS LONG HAP...

VAIPAS! VAIPAS! KILIM OL!

EM TV

HEY, TORO! ISI, YAH!!

TASOL EM I NO SAVE OLSEM PORO BILONG EM I SAPOTA BILONG LAHANIS...

VAIPAS ALL DA WEI!!

TORO BIKUAKS IGO IKAM I STAP NA PORO I BELHAT NOGUT TRU...

HA! HA! HA! VAIPAS ENITAIM!

EM TV

HEY! YU! STAP ISI LONG HAP!

EM KIRAP KIKIM TORO IGO AUT LONG WINDUA NA TORO HETWIN I KAM DAUN LONG GREN STAND NA HAP INDAI LONG HAP...

BUT!

KILIM EM! EM SO-OFF, TUMAS!

# WANTOK

Tokaut stret long asua.

DISPELA wik i gat moa toktok i kamap long Bogenvil. Ol bikman bilong ailan i laik mekim protes long soim olsem ol i no amamas long wanem samting gavman i mekim. Gavman i no harim krai bilong ol long mani na ol narapela helpim ol i nidim long mekim wok bilong stretim sindaun bilong pipel. Orait long Amerika, Namba tu Presiden bilong ol Al Gore i bin tokim tupela gavman minista bilong PNG long painim rot harlap nau na stretim hevi long Bogenvil. Dispela toktok bilong bikman bilong Amerika i soim olsem ol kantri long wol i putim ai long PNG na lukim wanem samting gavman i mekim long stretim hevi long Bogenvil. I luk olsem gavman i no inap stretim ol dispela hevi. Gavman i kisim wok inap 20 mun nau tasol i no gat senis i kamap long Bogenvil. Pait i stap yet na ol soldia na pipel i wok long dai. Dispela trabel long Bogenvil i stap inap faivpela yia nau. Olsem na mobeta gavman i tok stret olsem em i no inap. Askim ol ausait lain long kam insait na painim rot bilong stapim hevi. I no gat sem long dispela. Planti arapela kantri long wol i mekim olsem. Taim ol yet i no inap pinisim trabel, ol i askim ol ausait lain long go helpim ol na stretim hevi. Longpela taim i lus nating na i no gat senis i kamap. Olsem na mobeta gavman i skellim dispela aidia na traim.

# Kaunsil presiden askim ol memba bilong Madang long wokbung nau

**BEN TAUMAI** i raitim

PRESIDEN bilong Ambenob lokol gavman kaunsil Jack Nagg i singautim olgeta nesanel memba bilong Madang long Palamen long wokbung wantaim na bringim ol developmen na sevis i go long ol pipel bilong Madang. Em i mekim dispela tok long wanem em i lukim olsem olgeta 7-pela memba i no save wokbung wantaim long taim ol pipel i makim ol i go long Palamen i kam inap nau. "Dispela kain ol pasin ol i gat ol i mas lusim na traim wokbung wantaim na pait hat long bringim ol developmen

na sevis i kam long ol pipel bilong yumi long ples.

"Sapos ol i wokim dispela kain pasin bai provins bilong Madang i surik i go bihain tru long ol narapela provins long kantri," Mista Nagg i tok.

Em i laikim tu olgeta memba long wokbung wantaim rijonal memba Peter Barter long wanem em i karim na mekim bikpela wok tru nau long helpim ol pipel bilong Madang.

"Mista Barter i gat gutpela komyunikesen sistem long opis bilong em. Na sapos olgeta memba i wokbung wantaim, ol inap yusim dispela gutpela komyunikesen sistem bilong salim ol toktok

i go i kam long ol pipel bilong ples na taun long wanem samting wok long kamap," Mista Nagg i tok.

Em i tok bikos Mista Barter i gat gutpela komyunikesen sistem, em save kisim kwik ol kain kain ripot long wanem bagarap em i kamap long provins na traim painim rot bilong givim helpim.

Em i tok em i amamas tru long ol wok Mista Barter i mekim pinis long helpim ol pipel.

Narapela samting em i amamas long Mista Barter em long ol ripot em i save mekim na salim go ut long ol kaunsol long ples.

"Mi olsem presiden bilong olgeta kaunsol long Madang i

amamas tru long dispela. Long wa'em mipela save kisim ripot olgeta taim long wanem samting em i mekim na wanem samting em i gat tingting bilong mekim long helpim ol pipel bilong dispela provins," Mista Nagg i tok.

Em i laikim tu ol narapela 6-pela nesanel memba long mekim wankain ripot na givim i go long ol kaunsol wankain olsem Mista Barter.

Na narapela samting Mista Nagg i laik lukim em ol dispela nesanel memba husat i gat ilektrol opis insait long ol bisnis opis bilong ol long rausim na putim long narapela hap.

## Asitavi komyuniti na haikul pas gen bihainim trabel

i kam long pes 2 bilong ol kain kain wok kamap.

Olsem na ol tisa wantaim ol papamama i mas helpim wok bilong skul long go het long olgeta hap bilong Bogenvil, wankain

tasol olsem bipo taim pait i no kamap yet.

Sapos wok bilong edukesen i slek, bai no gat gutpela lida wantaim save i ranim provins long bihain taim. Karikulum yunit

bilong Edukesen Dipatmen long Mosbi i bin ranim dispela kos long skruim save bilong ol tisa long wok edministresen, laiberi na ol arapela wok bilong skulim gut ol sumatin. Sampela opisa bilong

Goroka Spot Institut i bin stap tu long givim skul long pasin bilong pilai long ol sumatin. Bikos pilai em i wanpela bikpela samting tru long laip na sindaun bilong ol yangpela. Tripela opisa bilong

nesanel kurikulum yunit long Mosbi i go pas long dispela kos. Em long Thomas Kamtel, Daniel Paraide na Bernadette Aihi.

Long wankain taim tu, samting olsem 40 gret 10 sumatin bilong Asitavi haikul long Wakunai i wetim yet provinsal Edukesen Dipatmen bilong tokaut long wanem haikul tru em ol bai go long en.

Mista Rigamu i tok ol bai taim ol dispela sumatin insait long tripela haikul. Em long Hutjena long Buka, Tarlena long not wes Bogenvil na Nissan haikul long Atols eria.

Provinsal Edukesen divisen i pasim Asitavi komyuniti na haikul inap long sampela taim bihain long ol paitman i kamapim trabel long skul long las mun.

Olgeta skul sumatin nau i stap malolo long ples.

## Tok ples skul ron gut long Nobonob

**PAULUS TALI** i raitim

NOBONOB eria long Madang i gat 7-pela Viles Tok Ples Skul (VTPS) nau.

Dispela i kamap bihain long ol i opim nupela skul long ples Nagada.

Ol papamama bilong ples i amamas tru long dispela kain skul i kirap long ples bilong ol. Bikos ol i lukim olsem ol pikinini bilong ol i kisim gutpela save pastaim long ol i go long ol komyuniti skul.

Ol i bin kirapim Nobonob tok ples skul long las yia. Long nau i gat 14 tisa husat i skulim ol pikinini long ol dispela 7-pela skul. Ol yangpela manmeri husat i pinisim gret 6, 8 na 10 i bin sindaun long wanpela kos bilong kisim save olsem ol VTPS

tisa. Litresi seksen bilong Edukesen Dipatmen i bin ranim dispela kos long Madang inap long tupela wik.

Ol pikinini wantaim 6-pela krismas i lainim long rit na rit long tok ples stret bilong ol. Kristen edukesen em i wanpela bikpela samting long laip bilong ol pikinini. Ol wokman bilong tanim Baibel i redim na kamapim ol buk bilong ol liklik pikinini long tok ples stret we ol pikinini i kisim gut skul long ol.

Long Nobonob eria yet i gat 7-pela VTPS skul. Em long Batap, Gunabag, Balepa, Betip, Benam, Gamoi na Nagada. Ol skul pikinini i peim K2 fi tasol bilong helpim long baim ol sok samting long rit wantaim. Ol tisa i save kisim liklik alauwens mani tasol olsem pe bilong ol.

Kodineta bilong skul em Itbam Hiuk. I gat ol komiti memba bilong skul husat i wok wantaim ol papamama long ranim gut skul.

Mista Hiuk i amamas tru long gutpela helpim na wokbung ol papamama i givim long ol VTPS skul long Nobonob.

## Pokawin givim tu tingting bilong stretim Bogenvil ailan

PRIMIA bilong Manus, Steven Pokawin i tokaut long 4 poin plen bilong em we em i ting Papua Niugini gavman inap bihainim bilong pinisim ol hevi long Bogenvil.

Em i singautim ol lain Bogenvil Revolusineri Ami long lusim ol samting bilong pait na larim ol pipel i holim wanpela vot long provins i kisim independens insait long tripela yia i kam.

Long wanpela kibung bilong ol bikman bilong 5-pela Niugini Ailan provins long Kimbe las wik, Mista Pokawin i tok gavman bilong Praim Minista Paias Wingti i no inap nau long kamapim bel isi pasin na gutpela sindaun namel long ol pipel bilong Bogenvil.

Em i askim tu Mista Wingti long kirapim ol toktok namel long Papua

Niugini gavman na ol Ilda bilong BRA, ol sief wantaim ol lida bilong ples. Na sampela rot long painim gutpela sindaun i ken kamap.

Askim bilong Mista Pokawin long ol lain BRA i lusim ol samting bilong pait em long givim taim long ol soldia long skruim wok bilong stretim sindaun bilong ol pipel long ples. Na i no long ol i kisim taim long pait samting.

Em i askim tu long helpim bilong ol ausait kantri long traim stretim ol bagarap long ol samting em i bin kamap insait long 5-pela yia bilong hevi long ailan.

Bihain long ol dispela samting i stret pinis, gavman bilong PNG i ken larim ol pipel bilong Bogenvil yet i tingting sapos ol laik stap olsem hap bilong PNG o kamap wanpela ripablik bilong ol yet, Mista Pokawin i tok.

# WANTOK

NIUSPEPA BILONG OL PAPA NIUSPEPA STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

**BIABIA WANTAIM PORO BILONG EM SPAK NA STORI I STAP...**



**(Hic!) MIPELA I GAT... WESTERN HAILANS, EASTERN HAILANS, NA SAUTEN HAILANS...**



**NAI BIABIA AUTIM BILONG EM...**



**MIPELA I GAT... (Hic!) EAST SEPIK, WES SEPIK NA SAUT PASEPIK!!**





■ Kanage em i wanpela man bilong kaikai stret. Wanpela taim em i go stap wantaim susa bilong em wantaim man bilong em long taun. Long wanpela apinun susa bilong em i kukim rais wantaim kakaruk na Kanage i kilim skin stret long kaikai. Bikos em i save stap long ples na eem i save bagarap stret long kaikai kain kaikai olsem. Kanage kaikai i go na bel bilong em i pulap nogut tru. I no longtaim na em i pilim pekpek. Em nau Kanage i ron i go insait long toilet. Toilet i gat bikpela glas. Taim Kanage opim dua bilong toilet, em i lukim em yet long glas na ting olsem tambu bilong em i stap long toilet. Em nau Kanage sem nogut tru na kirap tok olsem: Ai o sori tru tambu bilong mi. Mi ting olsem no ken man ya. Kanage i go sanap ausait na pilim olsem pekpek i laik kam daun stret. Bihain nau em i go insait ken long toilet. Taim em i opim duaa, em i lukim em yet gen long glas. Na em i ting olsem tambu bilong em na em i tok sori gen. Na tu em i tok olsem: Tambu, plis yu mas hariap liklik ya. Mi pilim olsem samting ya i soim pes pinis ya. Bihain nau Kanage i lukim tambu bilong em i holim tin kabang bilong em na mekim save long kaikai buai long liklik haus win i stap. Kanage lukim olsem na siksti go insait long toilet na em i luk-save olsem glas i wok long giamanim em. Belhat long em i wet longpela taim, Kanage i pulapim stret toilet susa bilong em wantaim man bilong em.

Gibson na Dave  
WEWAK

□ Kanage i bilong ples Sio long Ambunti distrik long Is Sepik provins. Wanpela taim em i go lulukuk raun long Ambunti stesin. Em i raun i go na pilim olsem bel bilong em i go bagarap olgeta. Na i pairap olsem wanpela emti 44 galon dram. Sampela yangpela manki i harrim bel bilong Kanage i pairap na ol i kirap nogut na askim Kanage: Olsem wanem na yu gat dram long bel? Kanage i paul long toktok bilong ol na bekim: Dram i no givim mi bel. Mi gat bel long dram. Ol manki ya lap long Kanage i go na wanpela bilong ol i kirap na tokim ol olsem: Em i mas pilim pekpekk ya. Dispela hap tok i kisim stret ia bilong Kanage. Em nau Kanage kirap na tokim manki ya olsem: Ok perendo. Yu mas tok sori na tenkyu long em. Bikos yutupela raun wantaim gut i go na las minit yu laik lusim em i stap na yu wan bai go. Em bai olsem wanem nau ya. Manki ya laik bekim toktok bilong Kanage tasol lap i kilim em na em i kabubu wantaim.

Benzie Bons  
WEWAK

■ Kanage i save wok long Wewak. Wanpela apinun em pinis wok na wokabaut bihainim Meni nambis i go long Dagua maket long baim sampela kumu. Long hap rot Kanage i bungim wanpela waitman i ron i kam. Em nau Kanage kirap na ron bihainim dispela waitman ya. Tupela ron i go kamap klostu long mangro na bungim wanpela snek. Kanage kalap nogut na kirap singaut olsem: "My brokis lukim the snek krosim the rot." Waitman ya stop na tokim Kanage: "Don't be afraid. I will throw stones at the damn python." Kanage i no harim toktok bilong waitman ya. Em kisim ston na singaut: "No ken be afraid. I will paitim the dummy python." Samting tru snek ya ranawe i go insait long mangro pinis. Waitman ya belhat long Kanage i singaut na em i tekov i go. Kanage ron bihainim waitman ya na singaut olsem: "Neks taiin I luk-save yu I will paitim the dummy python long yu." Kanage singaut wantaim na wokabaut i go kamap long maket. Em i singaut: Paitim the python, paitim the python. Ol manmeri long maket lukim Kanage i singaut i go na ol i lap nogut tru long en. Ol i ting olsem em i mas holim 6 peks ningigu na het bilong em i paul.

R T Jaylne  
RABAUL

## Namba wan bung bilong Morobe Tutumang wantaim Yakam Kelo Morobe les long lukim Alok

OLPELA edministreta husat i bin kisim ples bilong Morobe provinsal gavman long taim bilong saspensen i bin tromoi moa long K300,000 we ol lida bilong Morobe i no amamas tru long en.

Primia Titi Christian i tokaut long namba wan kibung (samsawe) bilong ol Tutumang memba long Tunde long dispela wik olsem olpela edministreta Clant Alok i bin yusim bikpela mani bilong Morobe provins long wok bilong em yet. Bikos i no gat man long egensim em o kamapim oposisen long ol wok na pasin bilong em.

Mista Christian i tok Mista Alok i bin yusim K59,027 bilong Tutumang Aitem 2 we 35 memba inap long yusim. Em i yusim tu mani bilong provinsal eksekutiv kaunsil (samsawe) K80,696 na kamapim K4,682 olsem dinau. Em i yusim K56,000 long mentenens long haus bilong stet, Mista Alok i save slip tu long Lae Intanesel Hotel wantaim famili bilong em na ol sekyuriti man. Olsem na em i yusim K139,039 wantaim ol arapela alauwens bilong em i go antap long K9,470.48.

Mista Christian i tok Mista

Alok inap long sevim ol dispela mani bikos wok bilong em long painimaut hevi bilong Morobe provinsal gavman i no bin kamap na em i kam amamas tasol long pilai wantaim mani na ol pipel bilong Morobe.

Em i tok moa olsem Mista Alok i bin kisim alauwens long opis bilong seketeri, opis bilong primia na Lae Siti Atoirit-edministreta bilong go long wanpela kibung long Madang.

"Dispela em i no stret na Mista Alok i no gat pawa bilong kisim tripela kain alauwens olsem. Olsem na

dispela i kamapim tru pasin nogut. Em i save kisim alauwens tu bilong go long Hagen long ol potnaitwe em i no gat wanpela bisnis long mekim," Mista Christian i tok.

Primia i tok haus slip bilong stet i bin stap gut na i no gat wanpela wok mentenens long en. Tasol Mista Alok i wok long go het yet na slip long hotel inap long 7-pela mun.

Primia i mekim strongpela askim i go nau long Praim Minista Paias Wingti long no ken moa salim Mista Alok i kam bek gen long Morobe provins.

### Sengero em bos bilong Depatmen

MOROBE provinsal gavman i bin makim pinis Aine Sengero olsem Seketeri bilong Dipatmen bilong Morobe.

Primia Titi Christian i tok ol i makim Mista Sengero olsem seketeri long kisim ples bilong Clant Alok.

Taim nesanel gavman i bin kalabusim Morobe provinsal gavman long Oktoba 16, 1992 (16 mun) nesanel gavman yet i bin makim Mista Alok long kamap edministreta long kisim ples bilong primia. Long dispela taim Mista Alok i rausim olpela seketeri Manasupe Zurenuos na em yet i kamap olsem edministreta na ekting seketeri bilong provins.

Long Februari 1994, Nesanel Kot i givim oda long Nesanel Palamen i mas lusim Morobe provinsal gavman i kam bek.

Tasol primia i no amamas yet bikos Praim Minista Paias Wingti i no bin sainim pepa bilong Mista Sengero long wok olsem seketeri.

### Provinsal gavman nidim narapela K400,000

PROVINSAL Afeas Minista, John Nilkare i bin salim pinis liklik mani i go long Morobe provinsal gavman long yusim long ol wok bilong en long dispela yia, Primia Titi Christian i tokaut long dispela wik. Tunde long namba wan bung bilong ol Tutumang memba bihain long ol i winim kot na kam bek long opis.

Tasol Mista Christian i tok dispela mani inap tasol long karim wok insait long 6-pela mun. Olsem na em i askim nesanel gavman long givim narapela K400,000 i kam long mekim Morobe provinsal gavman i ranim ol wok i go inap long pinis bilong dispela yia.


Em i tok Morobe provinsal baset bilong 1994 i bin kamap bihainim rot bilong olpela edministreta,

Clant Alok. Na em i lusim tingting olgeta long provinsal gavman na ol wok bilong en.

Mista Christian i sutim tok olsem Mista Alok i brukim Morobe provinsal baset bihainim wok em Ben Micah i wok long mekim long senisim wok bilong ol provinsal gavman sistem insait long Papua Niugini.

Tasol Mista Nilkare i bin skelim gen na brukim liklik i kam long Morobe provinsal gavman.

Long dispela as, primia i tok wok bilong pablik sevis i no bin ran gut bikos i no gat gutpela lida bilong lukautim ol wokman na ol i paul nabaut. Bel na tingting bilong ol pablik sevan tu i no stap gut long mekim wok bilong givim sevis i go long ol pipel. Bikos i no gat gutpela lida long dispela taim.



Givim skul...Wanpela gavman opisa long Wes Sepik i wok long givim skul long ol pipel bilong ples long rot em ol nupela lo bai wok insait long ol ples na taun na provins. Dispela pasin inap klaim gut ol pipel long ol senis nau i laik kamap. Foto: Felix Ramram.

## Morobe kisim tasol K18m long 1994

MOROBE provins i bin kisim K18 milien long 1994 provinsal baset bilong en i kam long nesanel gavman. Primia Titi Christian i bin tokaut long dispela wik.

Em i tok dispela baset i bin kam aninit long nesanel gavman gren K4,431,100 na mani provinsal gavman yet i bin pulim em long K14,070,811. Dispela em i olsem K1 milien moa i go antap long mani em Morobe provins i bin kisim long 1993.

- Baset i bin bruk i go olsem:
- Gavman - K911,931
  - Edministresen - K2,886,586
  - Ekonomik (binis) - K598,403
  - Sosol - K1,989,957

- Disentrelaisesen - K5,212,807
  - Trensport Komunikesen - K1,354,227
  - Infrastraksa - K5,883,000
- Primia i tok dispela baset i sut tasol long ol wok mentenens na i no gat long kamapim ol projek bilong dispela yia. I no gat mani bilong ol wok insait long Rurel Impruvmen Fan (RIF) we i save kam aninit long program bilong Woks. Tasol em i amamas long harim olsem ol nesanel memba bilong Morobe provins i skelim Nesanel Developmen Fan (NDF) bilong ol i go long wok RIF insait long Morobe provins.
- Em i tok longpela taim i

kam, Morobe provinsal gavman yet i save lukautim na kamapim ol wok.

Long 1989, em i kamapim K7 milien na long 1993 em i kamapim klostu long K13 milien. Morobe provinsal gavman i bin apim takis i go antap long ol samting na i save givim hat taim long ol pipel. Bikos nesanel gavman gren o helpim mani ya i wok long go daun long olgeta taim.

Primia i tok gavman i sanap nau long strongim olgeta takis long 2 pesen na dispela i min olsem gavman bilong Morobe bai lusim K1 milien long mani i kam insait long olgeta yia. Dispela 2 pesen takis bai karamapim ol samt-

ing olsem taia, bia, smok, kerosin, bensin na ol arapela sevis.

Tasol Morobe provinsal gavman bai lusim mani inap olsem K18,050,911 i go bek long ol wok na sevis bilong provins.


Mista Christian i askim nesanel gavman long bihainim promis biong em long givim K3 milien i kam long stretim ol rot insait long Lae siti. Nesanel gavman i bin givim K1.5 milien tasol. Olsem na Primia i tok nesanel gavman i mas bihainim promis bilong em na sapos no gat bai provinsal gavman i painim rot bilong suvim nesanel gavman long karimaut promis bilong en.



• *Soim Sori*.....Samting olsem 3000 ami bilong Rasi I sanap arere long palimen bilong Rasi long soim sori bilong ol I go long ol lain husat i dai taim ol i laik tekova long gavman long 1993.




*Sempion Meri*.....Dispela meri i winim pinis wanpela resis em ol i mas ron long 1 mail olgeta. Nem bilong em Kelly Holmes na em i kamap nambawan long ol narapela long resis bilong Kellogg's Sustain.



*Mi namba wan*....Yangpela yia Steven Popovic bilong Campbell taun i amamas tru taim em i kisim wanpela poin long NSW Age sempionsip long Sande. Steven i gat 6-pela krismas tasol em i wanpela strongpela pilala bilong Tenis.



*Was long trabel*...Wanpela soldia i was long wanpela liklik han rot long Belfast insait long kantri Ailan. Ol paitman bilong IRA i tok ol i no inap painim wanem kain as bilong kirapim pait. Olgeta pait i bin pinis long Trinde.



Toktok blong Rot Seifti ikam long Motor Vehicles Insurance (PNG) Trust

**LUKAUT**

**GUT**



**PASTAIM  
LONG RIVES  
O STATIM KAR**

**Save bilong rot em  
Save bilong Het**  
 Noken lus tingting long harim  
 Roger Hau'ofa taim em  
 toktok long Rot Seifti.  
 Radio Kalang Tokbek long  
 Dispela Tunde i kam.



INDSIGN VV 724



*Husat i tok tru.....*Wanpela meri i tokaut olsem presiden Clinton i bin silip wantaim em na bagarapim em bipo. Tasol Clinton i tok em i no save long dispela meri na meri ya Ms Jones i laik kotim Clinton. Ms Jones i tokaut long ol dispela samting long wanpela televisen.



• *Malolo liklik.* . . . ol wokman husat i save wok long rot bilong trein long Ausralia i sindaun malolo. Long Lephani i go long raithan em traianos Isokris, Robert Ardolic na John Vlachopoulos. I gat liklik kros i stap namel long ol wokman na yunien bilong ol.



*Wasman i stap.....*Wanpela ami bilong Isreal i sanap arerelong wanpela ples we bom i pairap na kilim 8-pela man.



*Nogat wok.....*Dispela em ol mangi long wanpela biktaun long Ingran ol i kolim Liverpool. I nogat wok olsem na ol i raun nating i stap.

# HOLSEL SPESOL TRU!

PLASTIC  
BASIN

99<sup>t</sup>

EACH

YU KEN PAINIM LONG OL DISPELA HOLSEL



COLLINS AND LEAHY

Steamships J.V.

Bromley and Manton

\*WEST WHOLESALE- GOROKA  
\*TOWN WHOLESALE- GOROKA  
\*KKB JOINT VENTURE-KAINANTU  
\*KUNDIAWA WHOLESALE- KUNDIAWA  
\*LAE MARKET WHOLESALE


\*MADANG CASH & CARRY  
\*POPONDETTA  
\*LORENGAU  
\*VANIMO  
\*KUTA WHOLESALE- MT. HAGEN

\*BROMAN WHOLESALE- MT HAGEN  
\*BROMLEY & MANTON WHOLESALE- MENDI  
\*HULI TRADERS WHOLESALE- TARI  
\*BROMLEY & MANTON WHOLESALE- WABAG




# YAMAHA

Marine



**NIUELA NAMEL CONSOLE**

I kam wantaim olgeta samtim, mekim olgeta samtim i wok long wanpela hap tasol na i gat ful stia sistem, dispela nupela console inap givim yu bikpela hap bilong lukluk, hevi bilong ol kago bai go long olgeta hap, na yu no inap wari long bot i tantanim nabaut. I gat i stap nau bilong ol 14ft, 19ft na 24ft model long olgeta stua bilong Ela Motors long Kantri.



**HAMAMAS TRU LONG WOKIM LONG PNG**

Sampela bilong ol ekspiriens man stret bilong Kantri i save wokim ol dispela Yamaha FRP Bot long Milen Be Provins aninit long Yamaha Laisens bilong Japan, wantaim ol nupela Senta Console yunit. Mipela i hamamas tru long sapotim ol lain bilong yumi yet husat inap wokim ol top kwaliti samtim em mipela i save yu olsem yu ken hamamas long kisim na pinisim laik wantaim.

**YAMAHA**  
Marine

**Ela Motors**

# TU MINIT TINGTING

## RAITHAN NA LEPHAN

LONG Baibel i luk olsem raithan em i gutpela hap bilong bodi na lephan em i sait nogut.

Long Jon 21:6 we ol aposel i wok nating long painim pis, Jisas i tokim ol long tromoi umben long raithan. Nau wantu umben i pulap long pis. Olsem wanem nau?

Ating raithan o han sut em i gutpela sait, na laki sait; na lephan o han kais em i sait nogut, laka?

I tru, long Baibel planti planti taim olgeta samting bilong raithan o raitsait i gutpela.

Raithan em i ples i gat ona na namba. Bilong dispela na planti taim yumi tok long Jisas i sanap long raithan bilong God. Lukim Matyu 26:64 we long bikpela kot bilong las de, bai Jisas i sindaun long raithan bilong God Papa. I gat wankain tok long Aposel 2:33. Na long dispela taim bilong skelim ol manmeri, bai God i putim ol gutpela man long raithan bilong em. Lukim Matyu 25:33. Ol sipsip bai sanap long raithan; ol meme, long lephan. Na bai ol i sanap na amamas

long raithan bilong God inap oltaim. (Sam 16:11).

Raithan em i ples bilong pawa. Lukim Eksodas (Kisim Bek) 15:6. Sam 45:5 i tok long raithan bilong God i wokim olkain bikpela wok. Em i bin planim ol samting wantaim raithan bilong em. (Sam 80:16) Raithan bilong God i holim mi na mi gat strong. (Sam 18:36) na (Sam 89:14).

Long taim yumi laik tok tru antap na kolim nem bilong God, yumi save mekim wantaim raithan, olsem ol Juda bipo. Lukim Aisaia 62:8.

Nehemaia i tokim ol man long holim ol samting bilong pait long raithan. (Neh 4:17) Bilong dispela na inap tude yumi save kolim raithan olsem: han sut. Em i olsem han bilong sutim spia samting.

I luk olsem, olgeta taim long Baibel o namel long yumi, i gat tok long han nating, em i min raithan tasol.

Long Baibel wan wan taim



FRANK MIHALIC i raitim

tasol i gat tok long lephan. Na i luk olsem, lephan long tingting bilong ol Juda em i sait nogut. Olsem na ol meme, o ol manmeri nogut, ol bai sanap long lephan long bikpela kot long las de. Em i olsem sait nogut.

I gat tupela taim tasol long Baibel we i gat tok long skelim tupela han wantaim.

Profet Jona i komplem long ol man bilong Ninive i longlong olgeta na ol i no save long raithan na lephan bilong ol. (Jna 4:11) Em i min: ol i olsem ol bebi stret. Long taim Jisas i skulim yumi long pasin bilong mekim gut long ol narapela manmeri, em i bin tok olsem, "Long taim yu helpim ol rabisman, orait, han kais bilong yu i no mas save long samting han sut i mekim." (Matyu 6:3).

I gat tupela narakain long Olpela Testamen i gat tok long lephan. Long Jenesis (Stat) 48:13-20, Josep i laik bai papa bilong em Jekop i mas blesim tupela pikinini Efraim na Manase. Orait, Josep i holim bikbrata Manase long han kais na smolbrata Efraim long han sut. Nau em i bringim tupela i go klostu long Jekop. Tasol Jekop i senisim tupela han bilong em na i givim spesel blesing i mas go long bikbrata i go nau long yangpela brata Efraim. Yu yet

yu painim dispela naispela stori na ritim moa. Em i soim tingting bilong ol Juda long pawa na mejik bilong raithan.

Na long buk bilong ol Jas (Hetman) i gat stori long taim ol Isrel i pait wantaim ol Benjamin. (Het 20:15) Lain Gibeia i bin makim 700 spesel man husat i save pait wantaim lephan o han kais tasol. Ol i save tumas long tromoi ston wantaim katapel na ol i save kisim mak tru.

Em nau! Ating em i wanpela taim tasol we ol kaisman i kisim namba long Baibel.

Na i wankain liklik namel long yumi tude yet. Yumi lukim kaisman na yumi ting em i wanpela ausaitman bikos namel long yumi, planti manmeri i save yusim raithan o han sut. Tasol nogat; em i samting nating. Maski kaisman o sutman, maski meri i wok wantaim lephan o raithan, maski skul sumatin i rait wantaim han kais o han sut. Yumi olgeta i olsem tasol - na God i wokim na i laikim yumi olsem tasol.

## Sief Jastis tok gutpela sindaun stap yet long ol papa na mama

EDDIE SAUNDERS i raitim

AS bilong gutpela sindaun bilong famili insait long kantri em long skul bilong disiplin na gutpela Kristen pasin we papamama yet i givim long ol pikinini bilong ol.

Sief Jastis bilong Papua Niugini, Arnold Amett i tokaut long dispela samting long wanpela prea bung em Katolik Karismetik grup i bin holim long Mosbi insait long Sir John Guise Stedum long las wiken.

Ol i bin holim dispela bung long nait insait long tripela de, stat yet long Fraide i go inap long Sande. Planti manmeri na pikinini i bin kamap long tripela de bung bilong prea, singsing na givim bel i go long Papa God.

Jastis Amett i tok ol papamama i mas skulim ol pikinini bilong ol long kamap gutpela kristen memba long komyuniti na kantri. Em i tok planti papamama bilong tude i no save lukluk na skelim ol yet pastaim long ol i soim gutpela pasin long ol pikinini bilong ol.

Pasin we ol i paitim pastaim na stretim pikinini taim em i bikhet i no gutpela, Jastis Amett i tok. Bikos pikinini i no inap senis na kamap gut sapos papamama i wokim olsem long em.

Em i tok tu olsem ol papamama i mas stretim gut sindaun bilong ol

pastaim long famili, bihain ol pikinini i ken bihainim gutpela pasin bilong ol. Sapos ol papamama na ol lida i no soim gutpela pasin na givim bel i go long God, pasin nogut long dispela graun i no inap long pinis.

Jisas yet i bin kam daun long graun na soim gutpela pasin long yumi bilong bihainim. Olsem i mobeta long yumi long tanim bel na givim laip na hevi i go long God Papa na Jisas Krai. Ol hevi bilong graun bai pinis long nem bilong Em, Jastis Amett i tok.

Planti manmeri na pikinini i bin stap long dispela prea bung. Ol bikman olsem nesanel memba bilong Wewak, Bernard Narokobi, Reveren Sioni Kami bilong Yunaited Sios na ol arapela Kristen lida i bin stap tu long dispela taim. Ol gospel singa olsem Sikal Kelep na Digby Holeong i bin helpim. Musik ministri bilong Katolik Karismetik grup long singsing wantaim long las wiken.

Dispela em i namba tu taim Katolik Sios i kamapim kain prea bung olsem long Mosbi daiosis. Wankain bung i bin kamap long las yia.

Bikos dispela yia em Intanesenal yia bilong Famili, het tok bilong dispela bung i bin sut long "Famili insait long Holi Spirit". Na planti samting insait long progrem i bin sut tu long wok bilong famili.

## Nupela edpos bilong Milep sanap long ol hatwok tasol

PHILIP DAI i raitim

SAMTING olsem 2 tausen manmeri na pikinini i bin bung long Nondugl peris insait long Hagen Katolik daiosis bilong amamasim nupela edpos bilong ol.

Long hatwok bilong ol pipel yet long ples Milep, edpos i sanap nau bilong sevim ol pipel long dispela hap. Ol pipel bilong Milep i no inap hatwok moa bilong wokabout longwe i go long kisim helpim na marasin long haus sik taim ol famili memba bilong ol i sik.

Kristen komyuniti bilong Milep yet i bin bungim mani inap long K2,000 bilong kisim ol wokman na kamda long go het na sanapim dispela edpos.

Hap tok olsem "Mipela ol pipel yet i Sios" we wanpela komyuniti skul tisa i bin wokim long ritrit o taim bilong sarap i kirapim tru bel bilong ol lain pipel bilong Milep long wok strong wantaim na sanapim edpos. Nem bilong tisa ya em Linus Kulam.

Pastaim ol pipel i wok long wetim Katolik Sios long helpim ol na kirapim edpos. Haptok bilong Mista Kulam i kirapim bel na opim tru ai bilong ol long ol yet i wokbung wantaim long sanapim edpos long ples bilong ol.

Milep komyuniti i givim han long wok na samting i kamap smat tru. Ol i wokim tu



• Ol pipel i bungim kaikai ausait long nupela edpos bilong amamas na daunbilo em insait long edpos.



tupela haus slip bilong tupela wokman bilong edpos. Ol pipel yet i baim ol tebol, sia, kabot na ol narapela samting bilong haus. Dispela i soim tru olsem ol pipel i gat

strongpela laik long kisim sevnis na painim gutpela sindaun long ples.

Sister Gaudi, Katolik Helt seketeri bilong Hagen Asdaiosis i tok

insait long 26 krismas em i bin stap long kantri, dispela wok kamap ol pipel bilong Milep i mekim em i wanpela bikpela samting tru long lukluk bilong em.

## Epril 21 em de bilong tingim ol meri na pikinini long Bogenvil

PAPUA Niugini Kaunsil bilong ol Sios i makim Epril 21 olsem Nesanel Pre De bilong ol Meri long kantri.

Presiden bilong PNGCC Eku-menikel Komiti bilong ol meri na Seketeri bilong Yunaited Sios, Susan Setai i tok long dispela de, olgeta meri long Papua Niugini bai bung long prea na tingim ol meri na pikinini long Bogenvil. Bikos ol i bungim

bikpela hevi long laip na sindaun bilong ol bihainim ol trabel we i stap yet long ailan.

Het tok bilong dispela de em "Ol meri i sanap strong wantaim bilong serim aiwara bilong ol meri long Bogenvil".

Ol wan wan grup insait long kantri bai redim ol progrem bilong ol yet long tingim dispela de.

# ABM grup bilong Engliken Sios gat nupela hetman gen

**VERONICA HATUTASI**  
I raitim

BISOP Brian Kyme i kisim nau wok olsem nupela dairekta bilong Australia Bod bilong ol Misin (ABM).

Long las wik, Bisop Kyme i bin kamap long Papua Niugini bilong lukluk raun log ol Engliken daiosis long kantri, na skruim save bilong em long wok sios i mekim insait long Papua Niugini.

ABM em i wanpela han bilong Engliken Sios we i save givim bikpela helpim

long wok bilong Engliken Sios long Papua Niugini. Stat long taim Engliken Sios i kirapim ABM long 1850, dispela oganaisesen i mekim bikpela wok tru long strongim wok bilong sios insait long Pasific rijon, Midel Is, Esia, Afrika na Australia.

ABM na sios nau i wokbung wantaim long givim helpim wantaim ol samting sios i nidim tru long kirapim wok bilong en. Em ol helpim olsem long mani, ol wokman na ol kain samting olsem. Ol i

kolim dispela wokbung grup ol i kamapim olsem Patnasip long Misin.

Bisop Kyme i bin wok pas-taim olsem Assisten Bisop bilong Pet long Westen Australia. Em i wok wantaim ABM inap long 35 yia pinis.

Insait long lukluk raun bilong em i kam long Papua Niugini tupela wik i go pinis, Bisop Kyme i bin raun long Mosbi na Lae. Dispela raun em i bilong redim wanpela luklu raun bilong sampela ABM memba husat bai kam long

kantri long mun Jun bilong dispela yia.

Grup ya bai luklik raun i go long olgeta Engliken Sios daiosis insait long kantri na ol arapela wok bilong sios long strongim ol toktok bilong wokbung wantaim.

Engliken Sios long Papua Niugini i gat bikpela bilip olsem lukluk raun bilong ABM grup bai strongim moa gutpela wokbung wantaim namel long Engliken Sios bilong Papua Niugini.

## Engliken Sios daunim Ista em taim bilong redim laip yet pilai poka resis

**PAULUS TALI** I raitim

ENGLIKEN Sios long Papua Niugini i no laikim winmani em ol masin bilong pilai laki ol i kolim long poka masin i kamapim long en.

Insait long wanpela bung bilong ol Engliken Bisop long Lae long tupela wik i go pinis, ol i bin pasim tok long no ken kisim mani bikos em i kamap bihain long ol bagarap na taim nogut em pilai i kamapim long laip na sindaun bilong planti famili long kantri. Bikos planti papa i ting bai ol i kisim bikpela winmani na ol i tromoi drapela mani long pilai laki.

Engliken Sios long kantri i bin egensim toktok bilong oraitim ol masin bilong pilai laki i kam insait long kantri long las yia. Na em i no gutpela long ol i kisim sampela winmani long dispela resis nau taim ol i egensim pinis kamap na wok bilong ol poka masin insait long Papua Niugini.

ISTA em i taim bilong yumi ol manmeri long redim laip bilong yumi yet long indai na kirap bilong Jisas. Na yumi no ken gat bikpela tingting olsem Ista em i taim bilong malolo o limlimbur nabaut na lukim ol pren. Nogat.

Het tisa bilong Evanjelikel Martin Luta Semineri long Lae, Wesley Kigasung i bin autim dispela toktok long bikpela sios bung bilong Ridima peris kongriksen long Lae long Ista Sande.

Mista Kigasung i tok olsem ol Kristen manmeri, yumi mas bilip long Gutnius bilong Mak 16:1-8. Baibel

ves ya i autim toktok long Jisas i dai na kirap bek gen. Dispela tasol i sevim yumi ol manmeri bilong graun.

Em i tok strong tu olsem yumi ol Kristen manmeri i no ken pret long dai. Bikos Jisas i win pinis na yumi mas amamas long daunim indai.

Em i givim tok piksa bilong wanpela waitpela plawa we ol i yusim long bilasim haus lotu long em long tingim Ista Sande. Ista em i taim tu bilong tingtim dai na kirap bilong Jisas husat i daunim pawa bilong satan, dai na sin.

Siaman bilong Ridima kongriksen, Nagbi Mala wantaim Pasto Gang Gioba na olgeta Kristen manmeri bilong dispela peris i bin amamas tru long gutpela toktok em Mista Kigasung i autim long dispela taim.

## Elementri skul progrem bilong Lutheran Sios kamap gut

**SANANG ZAZORING**  
I raitim

ELEMENTRI skul bilong Lutheran Sios (ELC-PNG) insait long Morobe provins i kirap pinis na kamap gutpela nau. Traim progrem bilong dispela skul i stat long Amba skul.

Long yia 1992, tupela klas bilong elementri skul i bin stat long Balob Tisa Koles skul graun.

Long pinis bilong 1992, ol pikinini i kisim pinis save bilong ritim buk na putim ol leta wantaim na kamapim hap tok. Ol pikinini i gat bikpela laik na amamas tru long harim stori, mekim stori, raitim stori na tu long ol i droim ol piksa.

Na long yia 1993, wanpela gret 1 klas i skruim skul wantaim progrem bilong prep skul long Tok Pisin.

Insait long arapela sabsek, ol i bin yusim ol wok bilong gret 1.

Taim ol gret 1 i kamap long tem 3, ol i bin statim samting ol i kolim, 'Bridging' em i min ol pikinini i lusim Tok Pisin na stat long lainim inglis bihainim tingting bilong gavman.

Long mekim olsem, ol i stat long stretim ol



• Ol pikinini bilong wanpeal elementri skul long Amba i kilim skin long wok i stap. Na klostu tasol em wanpela tisa bilong ol i givim han.

buk i stap pinis long tok inglis na putim long mak na save bilong ol pikinini. Na long tem 4, ol i skruim wok bilong 'bungim' wantaim ol nupela buk em ol i kamapim. Ol dispela nupela buk em ol i bin yusim ol wok bilong gret wan 'Community Life' olsem rot bilong kisim olgeta samting bilong skul.

Long olgeta wik, ol pikinini i kisim buk na pepa bilong wok na tupela piksa askim. Na ol i go het long ritim ol buk long Tok Pisin na kamapim stori bihainim het tok bilong dispela wik.

Long dispela taim, wok progrem bilong elementri skul i kamapim pinis kos bilong 8-pela sabsek.

Ol i kamapim pinis 5-pela insevis kos bilong ol tok ples skul tisa na ol 75 pipel i pinisim dispela kos.

Ol i kamapim tu ol buk i kamapim 49 taitel bilong ol tok ples progrem. Namel long ol dispela buk em 35 buk i bilong Tok Pisin na 14 em ol buk bilong ol arapela samting olsem namba (Maths).

Ol i kamapim tu 22 buk bilong kalap i go long inglis o ol i kolim 'Bridging'.

Namel long ol buk hia, 8-pela em ol i stretim long arapela buk i stap pinis na ol 14 buk i gat ol nupela taitel.

Arapela samting bilong skul em gem bod wantaim silabas, ol piksa askim bilong tok ples, wok.

JASTIS  
long  
FAMILI



## FAMILI LAIP KOR GRUP

SAPOS yumi laik helpim tru ol famili insait long komyuniti na sios bilong yumi, wanpela rot tasol em long famili i helpim famili. Dispela em ol liklik famili grup husat i wok long helpim ol yet na ol famili klostu long ol. Dispela ol famili yumi ken kolim ol olsem ol FAMILI LAIP KOR GRUP.

Wanpela tok i kamap long bikpela bung bilong ol Katolik Bisop long yia i go pinis em hia: Intanesenel Yia bilong ol Famili, 1994, em i mas wok long kirapim dispela Famili Laip Kor Grup long olgeta hap. Inap nau, 155 grup olsem i kamap pinis long Papua Niugini na Solomon ailan. Na planti moa ol i traum long kamapim.

Ol kor grup i laik mekim tupela samting:

1. Long strongim save moa long komyuniti, tingting na save na kamapim gutpela Kristen pasin long Marit na Famili Laip. Dispela em i samting bilong helpim tru gutpela sindaun bilong ol famili.

2. Bilong helpim ol arapela marit na famili long sampela pasin olsem

- harim toktok bilong wanpela, arapela na serim tingting wantaim, na

- kirapim ol liklik famili laip skul sapos i ken.

Husat i go insait long dispela Kor Grup?

I gutpela sapos igat tripela inap long 6-pela marit samting na i go antap liklik moa. Sapos i ken wanpela pater, sister, pasto, o wanpela gutpela lida. I mas i gat wanpela lida o man bilong ranim.

Kor Grup i mas bung long olgeta tupela o 4-pela wik samting bilong mekim ol samting olsem:

- ol i pre wantaim;

- ol i ridim Baibel na serim sampela tingting long em; na

- ol i lukluk gut na paitim toktok long wanpela samting insait long famili laip.

ol samting bilong toktok i gutpela i kisim wanpela liklik buk o wanpela hap bilong skul na wok'isi isi inap long pinisim em. Long dispela taim i gutpela sapos yu kisim dispela liklik buk ol i kolim: OL KRISTEN FAMILI INSAIT LONG KOMYUNITI WE PLANTI SENIS I SAVE KAMAP.

Taim sampela marit i klia gut long ol dispela samting, ol i ken skulim ol arapela liklik gurp ken. Sapos sampela marit i wokim pinis Skul bilong Strongim Marit, ol i gen redim ol yet long givim dispela skul long ol arapela marit insait long komyuniti bilong ol.

Long sampela hap, planti i nidim skul pastaim long marit. Long sampela ples, ol i wokim olsem long wanpela wanpela wik. I gutpela sapos sampela insait long Famili Laip Kor Grup i helpim long dispela wok.

Taim ol marit i painim tru gutpela sindaun insait long famili bilong ol, planti i laik long kisim wok bilong skulim ol yangpela i kamap bihain. Sapos ol i laik mekim olsem, ol i mas kisim save bilong mekim dispela wok long ol yangpela na nupela marit. Ol memba bilong ol Famili Kor Grup i ken kisim helpim long dispela buk ol i kolim 'YU YET YU SAMTING TRU'.

Wik pastaim long Ista, wanpela ten seven marit long 6-pela peris i hatwok tru long kamapim Famili Laip Kor Grup long Aitape. Ol i stat long lukluk gut insait long ol samting bilong ples bilong ol na traum long kamapim gutpela rot bilong painim gutpela rot long go het.

Wanpela bikpela samting ol i toktok long en em: Bilong wanem ol marit i painim hevi insait long famili i save go stret long plis o viles kot? Mobeta ol i traum long painim helpim long Famili laip Kor Grup.

Dispela yumi ken lukim long planti hap. Wanpela bisop i tok olsem: sampela marit i tingting tasol long sutim tok long poro bilong em.

# Wok bilong MAV kamap strong moa

MEN Againsts Violence, wanpela Non Gavman Oganaisesen i save kamapim ol skul bilong ol manmeri long stapim ol pasin bilong kros, pait, belhat na bikhet i mekim nau wok bilong ol i go bikipela.

I no longtaim i go pinis insait long wanpela miting wantaim sampela savelain long kamapim strong wok bilong MAV, ol i bin makim sampela wokman long stap insait long grup olsem ol tisa

bilong lainim ol pipel.

Simon Yanis, kodineita bilong MAV wantaim Dipatmen ol Yut na Hon Afeas i tok bikipela tingting bilong MAV insait long dispela yia em long karim wok bilong MAV i go long ol pipel long provins.

"As tingting bilong kisim ol nupela tisa long helpim MAV i bilong skruim wok bilong grup i go long planti pipel, wantaim ol planti wokman mipela i ken skelim wok i go long planti hap," Mista Yanis i tok.

Em i tok tu olsem ol dispela nupela tisa i gat ol spesel save long wok wantaim MAV na dispela bai helpim ol pipel husat i kisim skul.

Sampela long ol dispela tisa, em Soani Kiligeat wanpela tisa long Institut ov Pablik edmin o Adcol, Patrick Longe bilong PNG Spot Komisen, Bruder Pat Howley wantaim Mellisa Croom.

# NBC tok lukaut long pawa trensmita

JOE KANEKANE I raltim

OL teknisen bilong NBC is salim bikipela tok lukaut i go long ol manmeri husat i save yusim wanpela sotkat rot arere long Kone Taigas ragbi lig fil i go long Waigani opis.

Wanpela sinia teknisen bilong NBC i tok dispela sotkat rot i save grisim ol pipel long lainim ka o ekasesais long ron na tu ol pablik sevis wokmanmeri i save wokabaut insait long ol apinun.

"Mipela i laik tok save long ol manmeri olsem, taim ol i lukim ol sainbot o harim tok save long

redio, ol i mas pinis long yusim dispela rot," em i tok.

Sinia teknisen i tok olsem arere long rot i gat trensmita masin bilong salim toktok long redio stesin i go long ol redio. Na ng wantaim pawa bilong masin i sanap long 100 wawatt.

Em i tok tu olsem pawa na strong bilong trensmita i ken kilim ol man i dai, o sapos ol i stap klostu long trensmita, bai pawa bilong masin i kukim ol we i ken kilim ol i dai, o bagarapim skin bilong ol.

Em i askim ol papamama tu long tokim ol pikinini bilong ol long traime na abrusim, na tu long ol manmeri husat i pilai ol spot long stap longwe long ol masin.

# Ol meri gat bikipela wari yet

HELT Na envairomen em ol bikipela samting ol meri long kantri tude i gat bikipela wari long en.

Bikos dispela tupela samting i save kamap strong long sindaun na laip bilong famili na komyniti insait long ol ples na kantri.

Long dispela wik, moa long 40 meri bilong Milen Be provins i bung long wanpela woksop long Alotau bilong toktok long hevi bilong helt na envairomen long ol liklik ailan na provins. Bung i bin stat long Mande na bai pinis long Fraide, Epril 22.

Ol opisa bilong Melanesin Envairomen Faundesen wantaim nesene na provinsal helt opis i stap tu bilong givim toktok insait long dispela woksop.

Bihainim tu sik malaria we i kamap strong na kilim planti pipel long provins long dispela taim, ol meri i paitim toktok long strongim yet ol helt program insait long ol liklik ailan bilong Milen Be.



• Dispela hap rot long Waigani insait long Mosbi i no gutpela bilong wokabaut, ekasesais o lainim long draiv. Olsem na NBC i laikim ol manmeri long stap longwe.

# CHEMCARE PHARMACIES

## April Specials



AMMENS MEDICATED POWDER 75g  
**K1.19**  
save 48t




COLGATE TOOTHPASTE 90 110G  
**K1.65**



VASELINE INTENSIVE CARE LOTION 200ml  
**K2.39**  
save 75t



NSW RUGBY LEAGUE CAPS Only  
**K3.95**



PROTEX ANTIBACTERIAL SOAP 90g  
**59t**



CHEMCARE HYDROGEN PEROXIDE 60ml  
**89t**

WHILE STOCKS LAST!

- |                |                     |                           |                |                          |                 |                       |                 |                    |
|----------------|---------------------|---------------------------|----------------|--------------------------|-----------------|-----------------------|-----------------|--------------------|
| WEWAK PHARMACY | MOROBE PHARMACY LAE | HIGHLANDS PHARMACY GOROKA | KIMBE PHARMACY | MELPA PHARMACY MT. HAGEN | MADANG PHARMACY | CLARKES CHEMIST RABAU | ALOTAU PHARMACY | ERIKU PHAMARCY LAE |
|----------------|---------------------|---------------------------|----------------|--------------------------|-----------------|-----------------------|-----------------|--------------------|

# Lowest Prices

# erima SUPERMARKET




OX & PALM CORNED BEEF 340G. WERE K1.53  
**K1.39**




OMO DTERGENT 200G. WERE .72t  
**.65t**



COCA COLA 6PK 375ML.S ASST'D. WERE K4.14  
**K3.69**



SUNCRUSH CORDIALS 750ML ASSORTED FLAVOURS WERE K1.50  
**K1.42**



MADAM MACKEREL IN OIL 425G WERE K1.32  
**K1.21**



VETTA SPAGHETTI 500G WERE K1.36  
**K1.16**



MOROBEEN CREAM BISCUITS ASSORTED. 60G WERE K3.51  
**31t**



TULIP PORK LUNCHEON MEAT 340G WERE K1.21  
**K1.01**



MUTTON SHANKS 700GM T/P WERE K1.44  
**K1.25**



ILIMO CHICKEN SIZE:10 WERE K3.76  
**K3.19**




MUTTON F/QR CHOPS 700G. WERE K1.93  
**K1.69**



ILIMO CHOICE PIECES 900G. WERE K3.37  
**K2.89**

**TRADING HOURS**

Monday 8:30 am to 6:30 pm  
Tuesday 8:30 am to 6:30 pm  
Wednesday 8:30 am to 6:30 pm



Thursday 8:30 am to 6:30 pm  
Friday 8:30 am to 7:00 pm  
Saturday 8:00 am to 6:30 pm  
Sunday 9:00 am to 1:00 pm



# Wok bisnis bilong kaukau no isi

JOE KANEKANE | raitlm

## ... stat long hailans kam pinis long Mosbi

LONG Godens maket, klostu long dua bilong go insait, bai yu no inap popaia long lukim ol kaukau ol maket lain i salim.

Sapos yu go lukluk gut long ol dispela kaukau, em bai yu painimaut olsem ol dispela kaukau i kam long hailans, ol lain long siti husat i no gat gaden i save go long maket bilong baim ol kaukau na kumu.

Sampela taim yu save traim na tingim ol hevi na hatwok ol lain fama i save mekim long karim ol kaukau i kam long Mosbi o nogat?

John Kokao i bilong liklik ples Kofika, Asaro Veli, arere tasol long Goroka na insait long tripela yia, em i save

wokim liklik bisnis bilong salim kaukau. Gaden bilong John i stap klostu long ples bilong em, na i karamapim samting olsem 7-8 hekta graun, we em i planim kaukau na pinat bilong salim long Mosbi siti.

Pastaim long John i kamap fama, em i bin wok olsem wanpela haiwe ka draiva, na em i save karim ol kago i go i kam long haiwe.

Wanpela taim em i go long ples na em i painimaut long ol stori olsem ol pipel bilong Mosbi i wok long painim ol kaikai bilong gaden, long wanem ples long Mosbi i drai na i no gat gutpela gris bilong planim ol kaikai.

Dispela stori i mekim

tingting bilong John i kirap bilong planim kaukau na pinat long salim.

Tingting bilong John i strong long mekim mani hariap tru na em i no tingim ol hatwok i stap bilong karim kaukau i go long Mosbi na salim olsem em yet i painimaut bihain.

John i stori olsem bisnis bilong karim kaukau bilong salim long Mosbi i gutpela tru. Na dispela i save helpim ol fama long asples bilong ol, long wanem i gat wanpela fama husat i save kisim trakta bilong em i go long brukim graun bilong planim kaikai.

Dispela i namba wan rot bilong dispela

kaukau bisnis na papa bilong trakta i save sasim ol fama long wan wan hekta, bihain tasol ol lain yut grup i save planim ol kaukau.

Taim kaukau i redi nau, ol fama i save peim K2 long wan wan beg bilong karim kaukau i go long Lae.

Long Lae, ol i peim narapela K2.50 long wan wan beg bilong sip i ken karim i kam long Mosbi. Ron bilong sip i save kisim 7-pela de o wanpela wik.

Long Mosbi, ol i save kisim narapela ka gen bilong karim ol kaukau long sip i go long ol maket. Na pastaim long ol i salim kaukau, ol fama i save lusim mani long tripela rot bilong karim kaukau i

kam long siti.

John i tok olsem dispela kain we i save yusim planti mani tru, na taim maket i gutpela na i no gat draipela san, planti manmeri i save baim ol kaukau. Tasol taim bilong ren, ol fama i no save kisim gut mani.

"Mipela i bin traim askim ol bikpela kampani long baim ol kaukau, tasol ol i tok olsem ol i gat kontrak wantaim ol vestabol kampani long hailans, na dispela i mekim maket i olsem wanpela rot tasol bilong salim," John i tok.

John i skruim tok tu olsem i gat moa long 200 fama insait long Goroka na tu long hailans i ranim dispela kain bisnis. Na taim ol i karim ol kaukau i kam long siti, ol i painim planti hevi tru.

John i bilip olsem gavman na ol memba i ken helpim long wokim dispela bisnis i kamap strong, long helpim ol fama na ol pipel long siti bilong kisim fres kaukau olgeta de.

Gavman, em i tok, i mas wokim wanpela lo olsem ol bikpela kampani i mas baim kaukau bilong ol fama na tu bilong ol bikpela vestabol fama insit long hailans, olsem olgeta fama i mas gat sans bilong salim kaikai.

Gavman i ken baim tu kaukau bilong ol fama, taim ples i gat bikpela birua long haiwara, graun i bruk, na bikpela hangre bilong ol pipel i kisim bagarap.

"Sapos yu traim na

glasim prais bilong rais na kaukau, yu bai luk-save olsem kaukau i no kos bikpela olsem rais, na rais i no save mekim bel bilong man i pulap. Kaukau i buntru," em i tok.

Long sait bilong ol memba, em i tok: ol i mas painim ol rot bilong helpim ol fama long kisim kaukau bilong ol i go long Lae, na long karim long sip i go long maket.

Na tu long painim wanpela haus bilong slip bilong ol dispela lain fama. Ol yet i ken painim kaikai, tasol ples bilong slip i ken givim ol malolo long stap longpela taim long maket.

"Mipela ol fama i save yusim planti mani bilong karim kaukau i kam, na mani mipela i kisim taim mipela i salim kaukau i no inap long peim olgeta kos," em i tok.

John i save karim ol kain kain kaukau i kam, na em i save gut tru long ol kaukau. Em yet i ken lukluk tasol long ol na tok save long yu.

Krismas taim i gutpela taim bilong salim kaukau, planti man i save wokim pati na ol i save baim planti kaukau. Na tu long draipela san, we ol lain long Sogeri i no gat wara bilong planim kaukau.

Long wanpela 50kg beg John i save

sasim K50. Na long wan wan rop, em i save sasim K1 - K2 we em i save putim 7 o 8 kaukau o moa.

Dispela i planti tru long wanem nau em i taim bilong ren na i gat planti kaukau long maket.

Ol lain husat i pes tru long statim kain bisnis olsem em ol lain bilong olpela memba bilong Daulo, Gai Duwabane.

Dispela ol lain bilong ples Runube long Asaro i gat bikpela graun na moa hap bilong planim kaukau na pinat, na ol vestabol. Taim ol narapela lain i lukim olsem, ol i bihainim na bisnis bilong kaukau i wok long kamap bikpela isi isi.

Bikpela wari bilong John em bilong gavman long kirapim wanpela maket we ol i ken salim kaukau, na maski long hatwok long peim moa mani long karim i kam long siti.

I no John tasol i wok long painim hevi, i gat ol lain bilong salim kawawar na ol vestabol tu i wok long painim hevi. Tasol ol i strong yet, maski long ol hevi.

Ol i pre strong olsem wanpela taim bai gavman wantaim ol bikpela kampani i ken luksave long nid bilong ol na helpim ol.



• Ol lain bilong John Kokao i sindaun salim kaukau i stap long Godens maket long Mosbi. Ol dispela beg kaukau i kam stret long kolples Goroka long Isten Hailans provins.

USED CARS

MAZDA R x 7 white Mag  
wheels great little sports  
Car only  
**K7,990**

RANGE ROVER HILINE  
VOGUE 4 x 4 Luxury Sale  
price  
**K25,990**

NISSAN KING CAB - 1  
owner only 26,000 Klm  
Airconditioning mag  
wheels as New Today only  
**K17,990**

THE GOOD GUYS FOR BEST BUYS  
PORT MORESBY, PH: 255255

BOROKO MOTORS

# Ol pikinini giaman na kilim masalai bilong Tami ailan

BIPO bipo tru long taim bilong ol tumbuna i gat wanpela masalai em i save stap long wanpela ailan klostu long Finsafen long Morobe provins. Dispela ailan em ol i kolim Tami ailan.

Na masalai ya i save stap na wet tasol. Taim ol manmeri long ailan ya i save wokim pati o bikipela singsing, em i save go ausait long hul bilong em na stlim ol pikinini bilong ol na karim i go na kaikaim. Nem bilong masalai ya em Wentin.

Long wanpela taim, ol man i wokim wanpela bikipela kaikai tru na ol i amamas na singsing i stap. Tasol ol i no save olsem Wentin i kam. Taim em i go kamap, em i giamanim ol liklik pikinini long traime sel wantaim em long nupela kanu bilong em. Na ol bai go ausait long biksolwara na bihain bai ol i kam bek. Tasol taim ol i go, ol i sel i go ausait olgeta long wanpela ailan klostu long Siassi.

Taim ol i kamap long dispela ailan, em i lusim ol i stap na ranawe i go long narapela ailan gen. Em i laik go stap na wet tasol inap ol mangi ya i dai pinis na em bai kam na kaikaim ol. Tasol ol mangi ya ol i

no dai. Ol i stap gut tasol i go na kisim gut tingting olsem dispela man Wentin em i wanpela masalai man ya.

Orait ol mangi ya i kirap na digim tripela bikipela hul na ol i go ausait long nambis na mumutim ol pislama na pulimapim long dispela hul. Na bihain ol i karamapim na ol i go hait long bus.

Wentin i stap i go na em i kam long sekim ol mangi ya. Taim em i kam kamap, em i smelim ol pislama ya na em i ting olsem ol mangi ya i dai pinis na em i amamas nogut tru. Bikos em i ting ol i dai pinis na smel i kamap.

Isi tasol em i pulim kanu bilong em i go antap long nambis na go stret long wanpela hul ya na mekim save long ol pislama i stap. Taim ol mangi ya i lukim em i mekimsave long ol pislama i stap, ol i kisim wanpela ston na sutim kanu bilong em. Wentin i kirap nogut na em i lukluk raun olsem wanem samting tru i pairap. Tasol em i no lukim wanpela samting. Baga i no wari, em i mekimsave yet i stap long ol pislama ya. Mekim i go na em i pinisim tupela hul na em i kalap long las hul



JADA 94!

nau.

Taim em i go insait na kaikai i stap, ol mangi i kirap na ron i go long kanu bilong em na pulim i go long solwara na ol i pul i go na ranawe long Wentin. Taim Wentin i pinisim las hul ya na em i lukluk long nambis, kanu bilong em i no stap.

Baga bel hat nogut tru na pulim tupela yau bilong em i kam antap bikipela tru olsem sel na bihainim ol mangi ya i go. Em i go na

lukim ol mangi ya na em i amamas nogut tru na tok, "Yupela ranawe long husat. Bai mi kam na kaikai yupela nau." Na ol mangi i pret na ol i krai.

Tasol gutpela tru na ol mangi i kukim tupela ston bilong mumu na i ret nogut tru i stap antap long bet bilong kanu. Taim Wentin i kam, ol i tok moning long em na singautim em long kam na kaikai tupela taro bilong em pastaim na bihain bai em i ken kaikai ol.

Taim Wentin i opim maus bilong em, ol mangi i tromoi tupela ston ya i go insait long maus bilong em. Ston ya i kukim insait bilong em na em i dai na pundaun i go insait long solwara na lus olgeta. Ol mangi i amamas nogut tru na ol i go kamap gen long ples bilong ol na ol lain bilong ol i wokim bikipela pati tru.

Jacob Kallu  
Tami Ailan, Fin-  
chafen.



■ Kanage i wok olsem wanpela mekanik long woksop bilong wanpela kampani ol i kolim Tibu & Sons Corporation. Na nem bilong hanboi bilong Kanage em Andon-Suh. Wanpela taim, wanpela waitman i kisim ka bilong em i kam long Tibu & Sons Corporation long ol mekanik bai stretim. Bikos redieta bilong ka bilong em i bruk na wara. Em nau Kanage i rausim ol wara na weldim dispela hol. Bihain em i penim na stretim mak bilong ples em i weldim dispela hol. Taim pen i drai Kanage i tokim hanboi bilong em Andon-Suh long pulumapim wara long redieta. Na em i go ausait na smokim spia i stap. Em nau Andon-Suh i paul na pulumapim wara long kabureta bilong ka. Long apinun waitman i kam kamap long woksop na askim Kanage sopos ka bilong em i redi long em i kisim. Kanage i tokim em olsem ka bilong em i redi. Tasol taim waitman ya i statim ka bilong em, ka i no stat. Em traime i o nogat na i go askim Kanage watpo na ka bilong em i no stat. Kanage kirap na tokim waitman ya olsem em rausim wara long redieta na weldim hol na bihain penim ples em i weldim hol. Na tokim Andon-Suh long pulumapim wara long redieta. Andon-Suh i sanap klostu na em i harim Kanage i tok olsem na em i tok: Kanage i tok stret-Mi pulumapim wara long kapureta. Taim waitman ya i harim Andon-Suh i tok olsem, em i tokim Andon-Suh: Yu wanpela long long man stret. Mobeta yu lusim wok na go bek na painim nilpis long khesang.

7415  
Tibooh Generation

## Slip tasol wantaim meri tru bilong yu



Dia Laiplain,

Mi gat bikipela wari olsem ating mi kisim pinis wanpela bilong ol dispela sik nogut em i save kamap long pasin pamuk.

I no longtaim i go pinis, mi bin slip wantaim wanpela yangpela meri. Na bihain mi painimaut olsem em i wanpela pamukmeri.

Bai mi mekim wanem nau?

**ONCE ONLY**

Dia Pren,

I gutpela yu gat dispela kain tingting olsem yu mas kisim pinis wanpela bilong ol dispela sik nogut em i save kamap long pasin pamuk, maski yu bin slip wantaim wanpela pamukmeri wanpela taim tasol. Na sapos em i gat sik nogut long bodi bilong em, yu tu bai kisim, maski em i bin wanpela taim tasol.

Ol dispela sik nogut bilong pasin pamuk inap kamapim bikipela bagarap moa sapos yu no go na kisim marasin hariap. Long planti taim, wanpela meri husat i gat dispela kain sik i no inap luk sik, skin i lus o wanem.

Tasol taim em i slip wantaim wanpela man, em nau dispela sik bai kalap i go long man. Olsem na yu mas stretim nau rot bilong go lukim wanpela dokta hariap, na no ken wet inap yu lukim sampela mak i kamap long bodi bilong yu bilong tokim olsem yu gat sik gonoria o sipilis.

Ol mak em inap kamap bilong soim olsem yu gat dispela sik em ol liklik sua antap long kok bilong yu, kok bilong yu bai pen o i gat kain samting olsem wara bai kam ausait long kok bilong yu klostu klostu.

Sapos yu go kisim marasin long ol STD klinik o long bikipela haus sik em bai fri. Na wanem samting ol i painimaut long dispela bai stap long haus sik tasol, na em i no inap go long ol narapela man o meri.

Ol bikman bilong wok helt i tok olsem wanpela gutpela rot bilong abrusim ol dispela kain sik nogut em long slip tasol wantaim meri bilong yu taim yutupela i marit. Long dispela rot yu i no inap painim ol kain kain sik nogut olsem.

Na tu long dispela kain pasin, yutupela bai painim gutpela sindaun na famili laip. Olsem na long taim bilong slip wantaim, yutupela bai amamas na hepi tru long mekim olsem.

Bikos em i no kain gridi pasin bilong wokim tasol samting olsem taim yu slip wantaim ol pamukmeri.

Mi Laiplain.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia



Namba bilong Ista...Long taim bilong Ista kruset long Mosbi, planti man, meri na pikinini i bin tanim bel. Na long poto em sampela man na meri i sanap lain bilong kisim blesing na prea poin bilong ol. Foto: Louis Warimi.







**WANTOK**

NIUSPEPA BILONG OL PAPA NIUGINI STRET

**PABLIK NOTIS**

Sapos yu laik advertais, telephon 25 2500 na askim long

Ph: Miri Aiori Ext. 203  
Jeffrey Maliou Ext. 216  
Joe-Naime Ext. 232**FRI BAIBEL KOS  
YU KEN KISIM SKUL  
LONG SALIM PAS**

Salim num na edres long:

WORLD BIBLE SCHOOL, Dept. PNG4  
P.O. Box 9346, Austin, TX 78766 USA

1994 POT MOSBI SO

JUN 11, 12, 13

**OL LAIN BILONG PUTIM OL  
PLAWA NA OL KAIKAI BILONG  
GADEN LONG SO**SO SOSAITI I WELKAMIM YUPELA LONG  
PUTIM OL SAMTING BILONG YUPELA LONG  
SO. SO SOSAITI I ASKIM OL DISPELA LAIN  
LONG STAT REDI NAU YET LONG DISPELA  
WIKEN SO BAI KAMAP.PRAIS BAI GO LONG HUSAT MANMERI I PUTIM  
KAMAP NAISPELA SO BILONG OLGETA KAIN  
PLAWA NA KAIKAI BILONG GADENSAPOS YU LAIK STAP INSAIT LONG RESIS YA,  
KISIM WANPELA ENTRI FOM LONG POT  
MOSBI SO OPISCNR. CROTON & FRANGIPANI ST. HOHOLA  
TELIPON: 25 6579TAIM BILONG OPIS LONG OP: MANDE I GO  
INAP FRAIDE EM 9KLOK MONING -3 KLOK  
APINUN  
OL DEI OPIS BAI OP EM FRAIDE 11, MANDE 14  
NA TRINDE 16 BILONG MUN FEBRUERI.

1994 MOSBI SO

Jun 11, 12 na 13  
OL MEMBATok save i go olsem taim bilong  
baim gen ol membaspip fi i  
kamap pinis.Skruim membaspip - K10 long  
wanpela man/meri  
Ol nupela memba - K15 long  
wanpela man/meri  
Membaspip bilong ol memba -  
K8 long wan wan pikininiKisim moa tok klia na baim ol  
mani i go long:**SEKETERI  
MOSBI SO SOSAITI  
P.O. Box 6958,  
BOROKO, N.C.D.**

Telipon: 256579

**PABLIK TOKSAVE**

Ramu Sugar bai statim 1994 Sugar haves sison long Mun Mei dei 16.


Dispela toksave i go long olgeta OLPELA SISINOL WOKMAN husat i gat "PAS  
BILONG I KAM BEK WOK" O "INVITATION LETA", ol i bin kisim long taim ol i  
pinisim 1993 sison.Husat i nogat pas bilong i kam bek wok bai mipela i no inap long sainim ol long  
dispela taim.Ples bilong kisim man em long ol Provinsol Labour Opis long Hilans, Madang na  
Lae. Em bai stat long Epril dei 18 i go inap Mei dei 02. Husat yu i gat pas bilong yu  
i mas i go long Provinsol Labour Opis long Provins bilong yu long dispela taim.

WABAG	-	18 Epril, 1994
MENDI	-	19-20 Epril, 1994
MT HAGEN	-	21, 22 na 23 Epril, 1994
KUNDAWA	-	25 Epril, 1994
GOROKA	-	26-27 Epril, 1994
KAINANTU	-	28 Epril, 1994
MADANG	-	29 Epril, 1994
LAE	-	02 Mei, 1994

Sapos yu i gat sampela askim long save moa long dispela toksave, bai yu i ken  
ringim Personnel Office long Ramu Sugar long telephon namba 44 3299.

Tenk yu tru.

Toksave i kam long Ramu Sugar Personnel Department.

**Join the National Press Club of Papua New Guinea**The National Press Club of Papua New Guinea, sponsored by all major  
media outlets and majority run by professional journalists, will hold its  
inaugural AGM on Friday, April 15th.

The aims of the Press Club are:

- \* to provide a forum for leading economic political, and social commentators, both from overseas and within PNG.
- \* to encourage debate on vital issues affecting PNG.
- \* to provide a calendar of social events to encourage links between journalists and other professionals.
- \* members will be given preference in ticket sales for functions.

The inaugural AGM will be held at 3pm, Car Club, Waigani Drive, Gordon.  
All people interested in joining the Press Club are welcome to come along.


Membership fees:

* Journalists full membership	K 24
* Corporate membership (for three people)	K100
* Diplomatic membership (for three people)	K100
* Interprovince	K 24
* Students	K 5
* Affiliate (per person)	K 50

For further information telephone:

Lucy Palmer	21 1660
Neville Togarewa	21 2577
Francis Uliau	25 2500

Payment can be made at the AGM.

**National Press Club of PNG**  
Invites you to the launching of the Club  
by the Chief Justice Sir Arnold Amet,

C.B.E., LLD

Guest Speaker

Queensland Premier Wayne Goss  
atThe Islander Travelodge  
Hotel Convention Centre

Monday 18th April, 7.30pm.

Including

Three course dinner K25 per head  
For bookings members K20 per headBookings through Margorie at the  
Islander Travelodge 25 5955  
or Lucy Palmer on 21 1660.

Limited to 200 places.

Dress Code - Tropical Formal

# WANTOK

NIUSPEPA BILONG OL PAPUA NIUGINI STRET

# PABLIK NOTIS

Ph: Miri Aiori Ext. 203  
Jeffrey Maliou Ext. 216  
Terry Miria Ext. 215

Sapos yu laik advertais, telephon 25 2500 na askim long



1994 POT MOSBI SO  
**JUN 11, 12, 13**  
TUMBUNA SINGSING

Pot Mosbi So Sosaiti bai givim ol gutpela prais mani long ol singsing tumbuna grup. Ol singsing tumbuna grup i mas gat namba bilong ol lain i singsing namel long 15 na 30 pipel

PORT MORESBY SHOW OFFICE  
CNR. CRONTON & FRANGIPANI ST.  
HOHOLA  
P O BOX 6958  
BOROKO  
TELIPON NAMBA - 25 6579

Taim bilong opis i op: Mande i go inap Fraide 9 klok moning i go inap 3 klok apinun. Ol de opis bai op em: Fraide 4, Mande 7 na Trinde 9 bilong mun Februeri.



**HAPPY BIRTHDAY ON YR 26TH B/DAY**

The man has grown a year older

but his belly is .....  
Never mind.....

Best wishes and regards from Moides, friends & Jokers b/ball club Papua New Guinea & Overseas.

**HAPPY BELATED B/DAY TO:**

**Theresa Titi Miria**

You've turned 3 years old on Wed: 13.4.94

Greetings from: H/bada, Delena & Waigani.

Love from: mum & dad, brothers, Lou & Timothy Miria. We love you - God Bless you



Evanjelikel Luteran Sios/Papua Distrik i laik givim tok save long olgeta man na meri olsem mipela bai lukautim nau olgeta samting long "Humty-Dumpty Kindergarten" stat long Epril 18, 1994.

Nem bilong Kindagaten (lukautim pikinini na priskul) nau bai senis i go long

## "Sunny Bunny's Kindergarten"

na em bai kamap olsem wanpela asosiet memba bilong Intanesenel Edukesen Ejensi (IEA), Boroko.

Olsem ol nupela bos, mipela tokaut stret long givim top kwaliti sevis. Bikos em i wok bilong mipela long kamapim kain gutpela ples bilong olgeta pikinini long kambung na stap amamas olsem long haus yet.

Bilong kisim moa tok save, toktok wantaim hetmeri bilong skul, Misis Margaret Caldwell long telipon namba 25 1186. O nogat, yu ken kam na lukim mipela long Godens (raunabaut) long "Sunny Bunny's Kindagaten".



# WORD

WORD PUBLISHING CO PTY LTD

invites applications from suitably qualified persons who wish to be considered for the position of

## ADVERTISING MANAGER

The person appointed will be well versed in the media requirements of commerce and the operations of the media industries. He or she will probably have a tertiary qualification and personal experience in a newspaper organisation. If not a national of Papua New Guinea the appointee will have an excellent understanding of Papua New Guinea and will have worked here for some time. The advertising department has a staff of 14 persons in four sections - Display and Classified Advertising Sales, Graphics and Support Services - and supports

WORD's four newspapers  
*The Times of Papua New Guinea*  
*Wantok Niuspepa*  
*PNG Business*  
*Weekend Sport.*


The manager will report to the general manager in all matters of advertising policy and market development. A salary package will be negotiated and accommodation is available appropriate to this senior management position. Applicants are welcome to phone Ian Fry, 25 2500, to indicate their interest or to clarify their eligibility, but applications in writing with a detailed CV and the names of three referees must reach

The General Manager  
Word Publishing Co Pty Ltd  
PO Box 1982  
Boroko NCD PNG  
FAX: (675) 25-2500

no later than Monday, May 9.



## **TOK SORI**



### **JOSTER PAKOP**

10 Novemba, 1948 i kam inap long 8 Epril, 1994

Long makim maus bilong Bod bilong ol Dairekta wantaim menesmen na ol wokman na wokmeri bilong PTC, Menesing Dairekta, Mista Isikiel Taureka i laik salim bikpela tok sori na bel wari bilong ol i go long Misis Isu Pakop wantaim ol pikinini Molong, Rachel, Kiapin, Tapas, Tute na Joypee bihainim dai bilong man na papa bilong ol Joster.

Joster tasol i no bin dai long taim helikopta em wantaim ol arapela wanwok i ron long en i pundaun long Buka Ailan long las mun. Na long las wik Fraide, em i bin dai long bikpela haus sik long Taunsvil long Australia we em i wok long stap na kisim marasin.

### **EM I KEN SLIP WANTAIM BEL ISI BILONG OLTAIM.**

"Mi tasol mi rot na laip; Lord i tok; husat i bilip long mi bai kisim laip i stap oltaim".



# OL PIPEL BILONG PAPUA NIUGUINI

## HARIM

### HEVI BILONG BOUGAINVILLE I STAP YET

Yumi ol Kristen manmeri i bilip, Jisas bai inap tekewe ol hevi bilong yumi. Tasol ol pipel bilong Bougainville i pilim pen na hevi bilong Kraisis yet long 4pela yia i go pinis.

Olsem na ol sios long Papua Niugini, em Katolik Bisops Konperens na Papua Niugini Kaunsil of ol Sios, i askim olgeta sait i stap insait long dispela hevi bilong Bougainville Kraisis long lukluk long dispela ol rot ya:

#### BIHAINIM ROT BILONG GUTPELA TINGTING

Wokabaut long rot bilong gutpela tingting bilong stretim kraisis. Yumi mas redi long bihainim nupela we na lus tingting long tok pait na bekim.

#### BIHAINIM ROT BILONG TOKTOK WANTAIM

Yupela i mas redi long putim yau long kain kain manmeri, long wanem, God i bin mekim yumi olgeta i kamap olsem piksa bilong em yet. Yupela i mas redi long toktok wantaim olgeta manmeri, long wanem, yumi olgeta i kisim pinis Spirit bilong Jisas Kraisis, em i Lord bilong yumi. Sindaun na toktok wantaim ol manmeri, na bai God i mekim yupela i stap fri tru.

#### SINGAUTIM NARAPELA LAIN BILONG SAMBAI I STAP

Yupela i mas bilip, yumi olgeta i nidim helpim na sapot long han bilong narapela. I gat planti grup na gavman i stap, olsem Yunaitet Nesen na ol Sios husat i laik sambai i stap bilong soim rot bilong sekan long Bougainville. Ol dispela lain inap tru long kirapim we bilong toktok wantaim na ol i redi tu long sambai i stap long taim ol lain ya i sindaun na toktok wantaim.


#### SINGAUTIM SEKAN I KAMAP

Ating em i gutpela, sapos yumi givim presen bilong sekan long Jisas Kraisis na ol pipel bilong Bougainville. Kain presen olsem inap winim olgeta pret na olgeta hangre na olgeta sik.



*The Catholic Bishops Conference of Papua New Guinea  
and Solomon Islands*

*The Papua New Guinea Council of Churches*





CONSTITUTIONAL COMMISSION

# OL TAIM BILONG WOKABAUT RAUN BILONG KONSTITUSINEL KOMISIN LONG OL PROVINS

Konstitusinel Komisn bai statim raun bilong em long ol provins long dispela wik.

Komisn i kisim dispela raun long tokaut long ol manmeri na tu ol provinsel na lokel level lida na ol provinsel pablik sevan long dispela nupela lo Organic lo bilong ol Provinsel Atoriti na Lokel-level Gavman.

Ol memba bilong komisn i bruk long 5-pela grup long dispela raun. Na ol i makim tu 4-pela moa grup.

Husat i stap long grup na wanem provins ol bai go long en na deit i stap aninit.

## 1. GRUP NA OL GRUP MEMBA

### GRUP 1

1. Mathias Ijape -Lida bilong dispela raun
2. Robert Atiyafa
3. John Paska

### GRUP 2

1. Bernard Narokobi Nabatu Siaman
2. Kaminiel Warkia
3. Alois Koki

### GRUP 3

1. Vincent Auali - Lida bilong dispela raun
2. Paul Lokei
3. Peter Barter

### GRUP 4

1. Moi Avei - Lida
2. Dere Wamaro
3. Peter Ipatas

### GRUP 5

1. Bart Philemon- Lida bilong dispela raun
2. Winne Kamit
3. Leo Hannett

### SELEKT GRUP A

1. Vincent Auli - Lida bilong dispela raun
2. Peter Ipatas
3. John Paska

### SELEKT GRUP B

1. Ben Micah - Siaman
2. Moi Avei
3. Kaminiel Warkia

## 2. ITINERARY

WEEK	DATES	GROUP	PROVINCE
1	15th - 18th March	Select	New Ireland Province
2	22nd - 25th March	Select	East New Britain Province
3	5th April - 8th April 1994	1	Milne Bay Province
	5th April - 8th April 1994	2	Madang Province
	5th April - 8th April 1994	3	Western Province
4	12th April - 15th April 1994	1	Oro Province
	12th April - 15th April 1994	2	Sanduan Province
	12th April - 15th April 1994	3	Gulf Province
	12th April - 15th April 1994	4	Southern Highlands
	12th April - 15th April 1994	5	Morobe Province
5	19th April - 22nd April 1994	1	Eastern Highlands
	19th April - 22nd April 1994	2	East Sepik
	19th April - 22nd April 1994	3	Western Highlands
	19th April - 22nd April 1994	4	Central Province
	19th April - 22nd April 1994	5	Simbu Province
6	26th April - 29th April 1994	Select "A"	Enga
		Select "B"	West New Britain

Olgeta wok bilong mipela long ol provins bai bihainim stret dispela ol taim. Sapos sampela samting i pasim rot bilong mipela na mipela i no kamap long ol provins ya, bai mipela i tokaut long wanem taim bai mipela i kamap long ol provins ya.

Sapos yu laik save moa ringim opis bilong Konstitusinel Komisn long telipon: 23 0055

PAUL C. MARKIS  
Ekting Dairekta

# ADVERTISEMENT



**BLACKS ACTION PATI INC.**

## ROT BILONG STRETIM HEVI LONG BOGENVIL

Faivpelakrismas pinis, i gat planti moa man i dai na i no gat gutpela sindaun i kamap liklik. Mista Joesph Onguglo, Nesenel Memba bilong Palamen (M.P.) na Lida bilong Black Action Party (BAP) i tokaut long sampela strongpela tingting bilong em na rot we i ken mekim ol pipel bilong Bogenvil i kisim gutpela sindaun.

**Black Action Party (BAP) bai kamapim tripela rot bilong stretim dispela hevi long Bogenvil:**

(1) Pati bilong mi i no inap long sasim Francis Ona na ol narapela papa bilong graun long Panguna husat i bin pait strong long kisim inap mani long kopa main.

(2) Black Action Party bai givim 100 pesen onasip bilong Panguna Main i go long ol papa graun. Na ol narapela risos bilong kantri long ol Papua Niugini man yet bai bihainim wankain rot. Taim Pati bilong mi i stap long gavman, mipela bai kamapim wanpela polisi long mekim dispela i kamap tru.

(3) Black Action Party bai toktok strong long Yunaited Nesens long ol i mas lukluk long wanem samting i wok long kamap long Bogenvil na helpim long stretim hariap. Nogut bai planti man moa i dai na no gat gutpela sindaun bai kamap.

(a) Dispela bai kamap tru sapos yumi rausim ol sekyuriti fos long Bogenvil. save long ol. Dispela ol resistens paitman i wok long brukim ol pipel namel na mekim hevi i go bikpela moa.

I nogat resistens paitman i mas kamap. Dispela i brukim lo na tu i no bihainim mama lo bilong Papua Niugini. Gavman i tok olsem ol BRA i brukim lo tasol em i tanim bek na luksave long ol resistens paitman na givim ol samting bilong pait. Dispela em i wanpela bikpela longlong pasin tru na bai i no inap helpim long stretim hevi long Bogenvil we ol pipel i ken kisim gutpela sindaun.

## WOK BILONG YUNAITED NESENS LONG BOGENVIL EM:-

(1) Long lukim olsem tupela sait wantaim i lusim ol samting bilong pait.

(2) Helpim long bringim ol sevis bilong gavman i go long Bogenvil

(3) Stretim na mekim ol progrem bilong kirapim bek ol wok long Bogenvil.

(4) Hariap long givim ol helt sevis na ol narapela samting bilong was long ol manmeri long ol kain kain sik.

(5) Wok bilong Yunaited Nesens em long lukim olsem ol toktok bilong kamapim gutpela sindaun long ailen i kamap gut namel long Papua Niugini gavman na Bogenvil Revolusen Ami (BRA).

(6) Black Action Party bai go pas long opim ol toktok namel long ol BRA lida na gavman long kamapim ol gutpela toktok we i ken painim rot bilong stretim dispela hevi. Mi bilip olsem gutpela sindaun i ken kamap sapos yumi no holim ol samting bilong pait na bihainim pasin kastom bilong yumi ol Melanesia long toktok tasol.

Mi laik singaut stret i go long Stet Minista na Minista bilong Bogenvil Afeas, Michael Ogio, long hariap tru na risain long dispela gavman long paulim kantri. Na em i mas luksave long hevi bilong ol gutpela pipel bilong Bogenvil husat i prea long gutpela sindaun na em i no ken stap olsem wanpela bilas long windo bilong dispela gavman. Mi laik askim em long sapotim pati bilong mi na ol narapela memba bilong Bogenvil long palamen long kamapim ol tingting bilong Black Action Party.

Olsem na mi laik singaut long olgeta gutpela tingting manmeri bilong Papua Niugini na ol narapela long sanap na toktok na helpim long stapim ol dispela dai na hevi i kamap long ol brata na susa bilong yumi long Bogenvil we i kamap long ol rabis polisi bilong gavman.

AUTHORISED BY:

HON. JOSEPH ONGUGLO, MP  
LIDA BILONG BLACK ACTION PARTY

MOSBI





# RAGBI

## LIG

### Lahanis kamap olsem bisnis

SAPE METTA i raitim

INTA Siti sempion Goroka Lahanis bai kamap olsem namba wan inti siti tim long kamap olsem wanpela bisnis. Na nem bilong bisnis ya bai stap olsem Lahanis Club Incorporated. Goroka Lig presiden, James Korarome i tok olsem ol rot bilong mekim Lahanis Club i kamap olsem wanpela bisnis i stap pinis wantaim Kampani Rejistren opis long Mosbi.

Korarome i tok olsem ol bai opim dispela bisnis taim olgeta samting i kamap stret. Lahanis Club i givim pinis kontrak i go long wanpela praivet edukesen senta long mekim ol sapota singlis na hat wantaim ol narapela samting wantaim mak bilong Lahanis antap long ol. Ol i opim pinis wanpela sapota akaun long ANZ Beng long Goroka. Na husat sapota i laik putim mani i ken go peim i go insait long dispela akaun.

Ol Lahanis menesmen i laik tokaut long dispela bihain long ol eksekutiv i askim ol manmeri long pablik bilong givim ol helpim mani. Ol menesmen i tokaut olsem long nau yet, spona bilong ol Collins and Leahy i givim pinis K5,000 long ol wokabaut pilai bilong ol Lahanis. Na ol narapela helpim i kam long ol bisnismen, ol politisen na pablik i kamap olsem K10,000.

### Lae Bombers haitim ol sem

PETER BIMARI i raitim

LAE Bombers long las wiken i haitim olgeta sem bilong ol bihain long ol i mekim save long ol Hagen Eagles, 14-6 long Sande. Toktok long tripela lus bilong ol, kepten John Pul i tok dispela olgeta samting em ol i putim long bak-sait nau. "Nau em mipela i lukluk long winim ol pilai bilong mipela tasol long dispela resis," Pul i tok. Ol Bombers i soim olsem ol i ken resis yet bihain long haptaim skoa i sanap olsem 6-2. Na bihain ol i go het long win long 14-6. Na bihain long ol pilai bilong las wiken, 4-pela tim i go pas nau long poin lata bilong Inta Siti resis. Goroka, Mendi, Mosbi na Kundiawa i go pas long 8 poin. Lae i stap long 6 poin, Rabaul Guria na Hagen Eagles i stap long 4 poin na Madang i no gat wanpela poin yet. Kosa bilong Lae, Manken Ravu na ol sapota i amamas long win bilong ol. I luk olsem ol pilaia i mas lus tingting long winim dispela kap na stat long pilai strong na winim ol narapela pilai.

### Kain kain toktok sut long Lahanis bihain long Vipers bagarapim ol stret long Mosbi

OL Goroka Lahanis i bin lus long Mosbi Vipers long Sande, 31-20. Na planti ol nem ragbi lig pilaia i bin kamapim kain kain toktok i sut i go nau long ol selekta na kosa long senisim ol pilaia husat i stap long risev sia bilong Lahanis tim. Wanpela olupela pilaia bilong

Lahanis husat i les long autim nem bilong em i tok ol Lahanis i lus long Vipers long wanem tim ya i no gat ol gutpela difensiv na straik pilaia bilong ol i stap long risev. Em i tok olsem ol risev i no bin pilai gut taim ol i bungim ol Rabaul Guria. Na dispela i mekim na klostu tru bai

Lahanis i lus long las 20 minit taim ol risev i go insait long fil bilong pilai. Olpela pilaia ya i tok olsem long las wiken taim ol boi Goroka i bungim ol Vipers, ol Lahanis i gat ol pilaia husat i no gat strong na i no inap long tanim pilai. Em i tok olsem sapos ol

Lahanis i kisim ol dispela wankain risev pilaia i go long Mendi long dispela wiken, ol bai salim stret long ol Muruks. Dispela olupela pilaia i tok olsem ol Lahanis i mas kisim bek ol pilaia olsem Mathew Midi, Petrus Bagoma na Paul Gela.

**THE BUSHMAN'S**

VIEW...  
with  
SAPE  
METTA

### Help comes pouring in for the champs

THE urging plea for help for the Lahanis team by Goroka league president, James Korarome three weeks ago did not go unheard or fall on deaf ears as certain national and provincial politicians responded generously with financial donations as incentives to support players and officials in defending the cup. Politicians donated well over K6,000 to the Lahanis during the Lahanis - Guria match break in Goroka recently. Former Police minister and current member for Goroko, Mathias Ijape donated K2,000 - while six provincial politicians donated a total of over K3,000. A prominent businessman, Akapite Wamiri also gave K1,000. President Korarome said the donations have given prove that the leaders are backing champions and their support will make the players give their best each week. He also appealed to the public to give generously to help keep the players and official happy and winning. The financial appeal to assist the Lahanis came amid difficulties the Goroka league is facing with providing proper training equipment for the Lahanis. The cash donations pushed the Lahanis to hold onto a narrow 28-24 win over a courageous Guria side that came so close to unsettling the champions in an exact replay of the match the Gurias won last year. The support was timely, but the Lahanis were very unfortunate on Sunday at the Lloyd Robson Oval in Port Moresby when they suffered their second loss to former champs- Vipers with a 31-20 scoreline. Their first loss was at the hands of Mt Hagen Eagles two weeks ago in Mt Hagen. The score was 25-20.



### Bikpela prop Kiap na Lae Bombers

i kam long pes 1  
Dispela boi Hagen husat i gat 24 krismas tasol i bin stat pilaim representativ futbol long 1991 wantaim ol lain Bombers. Na long dispela taim i kam inap nau, oltaim em i save stap long Noten Son tim. Nau yet em i kepten bilong Tarangau ragbi lig A gret tim long Lae. Na long 1992 na 1993, em i bin kisim Tarangau i go long gren fainal. Long olgeta dispela pilai, em i

save bosim namba 8 yunifom bilong wanpela prop. Patrick i save wok wantaim Associated Distributors kampani long Gerehu insait long Mosbi. Na oltaim i gat pilai, Lae Ragbi Futbol Lig i save baim tiket bilong em long go pilai. Na bihain ol spona i save stretim dispela. Olsem na long Sande, Bombers tu bai traim givim wankain marasin em Vipers i givim Lahanis long asgraun bilong ol yet.

# Pawa bilong laithaus pinis long las hap na Warriors tekova

## INTA SITI LIG RIPOT

**MICHAEL KOMA i raitim**

NUPELA tim bilong pilai long Inta Siti resis Kalibobo Globetrotters klostu bai nekim ol Kundiawa Warriors long Dickson pilai graun long las wik Sande.

Ol mangi laithaus i kamapim strongpela pilai tru tasol ol i no inap long strong bilong ol War-

riors husat i win long 30-12.

Wanpela olupela politisen, Kobale Kale yet i statim pilai na samting olsem 4000 pipel i bin kamap long lukim. Na man husat i lukautim dispela pilai em rijonal referi kodineta Alphonse Pu.

Tupela minit tasol i go insait long pilai, fulbek bilong ol Kundiawa, Jay Tu i putim wanpela trai na kik i kam long kepten Noah Kool i mekim ol i go pas long 6-0.

Long namba 6 minit, bikpela fowat bilong Madang Ben Perende i brukim banis bilong ol Kundiawa na slip antap long trailain. Tasol kik i no go stret.

Bihain tasol, Perende i go gen long trailain na putim wanpela moa trai. Ol mangi Madang i go pas nau long 8-6.

Klostu long hap taim, pilai i senis gen na Kundiawa i go pas long 12-8 bihain long wanpela trai i kamap winga Peter Dee na Kool i

kikim i go insait.

Long 50 minit mak, referi Pu i salim risev pilaia Nere Nauna i go long 10 minit sinbin bihain long em i mekim wanpela krangi takol long wanpela pilaia bilong Madang.

Tasol ol Warriors i no wari long dispela na pilai strong tru. Long hatwok bilong ol na tripela trai i kamap long Albert Ako, Patrick Singapa na Joe Nopro. Na Kool i kikim olgeta long bringim skoa i

go antap long 30-8.

Tasol ol Madang i strong moa na putim wanpela las trai i kam long Ambrose Gita na bringim skoa i go antap long 30-12.

Kosa bilong Madang, Andrew Limi i tok olsem i gat planti hap em ol mangi Madang i mas pilai strong long en. Na em i tok tu olsem ol Warriors bai kisim taim bilong ol taim ol i kam pilai long Madang.

# PAWA BILONG TUIYO EVEI

**SAPE METTA i raitim**

SAPOS ol i makim ol Kumul pilaia long hamas manmeri i save long ol, em bai nambawan ragbi lig pikinini bilong Isten Hailans, Tuiyo Evei bai stap olgeta taim insait long Kumul tim.

Biknem bilong Evei i kamap taim ol manmeri i kirapim trabel long Isten Hailans na tu taim em i pilai, planti manmeri i save sapatim em.

Em i no kepten bilong tim, tasol taim em i stap insait long pilai graun, ol yangpela pilaia i save kisim strong na pilai hat tru.

Bihain long planti yia, ol manmeri bai ting olsem Evei bai slek long pilai ragbi lig. Tasol em i no bin olsem. Nau yet pilai bilong em i narakain tru.

Ol sapota bilong Lahanis i lukim olsem em i wanpela nambawan pilaia bihain long Stainer Sapu, Frazer Giheno, Paul Kombinari, Joppa Gomia, John Joseph na Iffysoe Segeyaro na ol narapela lain olsem.

Evei i bin kamapim ol gutpela pilai long 1988 i kam inap long 1991. Na long 1992 long dispela pait em i bin kamap bihain long wanpela Test Match em Tuiyo i bin stap insait long en na em i no moa pilai.

Tasol long 1993, em i kam bek gen long pilai na i go pas long ol Lahanis long rausim trausis bilong ol Mosbi Vipers na winim dispela Inta Siti Kap.

Dispela bikpela fowat i kam bek long 1994 wantaim bikpela strong

tru.

Skin bilong em i go draipela moa na em i fit olsem taim em i stat pilai long 1988, na nau yet i wok long kirapim das. Hevi bilong em i go antap long 104 kilogrem na i luk olsem pawa bilong em i wok long kamap bikpela moa.

Wanpela pilai em bai no inap lus tingting long en em pilai namel long Kundiawa Warriors. Ol i kisim em i kam insait long senisim wanpela pilaia na Evei i kamapim strongpela pilai tru.

Long Madang, em i mekim wankain tasol. Ol strongpela ron na takol bilong em i givim planti hetpen long ol boi Madang. Bihain long ol i malolo tripela de tasol, Lahanis i pilai gen wantaim Mendi na em i putim wanpela las trai na Lahanis i winim dispela pilai.

Taim Lahanis i pilai egensim Hagen, ol Hagen i save na stapim em gut tru tasol em i mekim planti strongpela ron na takol.

Lahanis kosa Leva Tete i tok olsem sapos em i mekim wankain pilai yet, i luk olsem em bai wokabaut isi tasol i go insait long Kumul tim.

Evei em i wanpela man bilong mekim ol narapela pilaia i lap. Sapos em i lukim olsem ol i tren olsem ol ami, em bai mekim pani na ol i amamas.

Long dispela yia bai i gat tripela bikpela pilai wantaim Nu Silan na Frans na sapos Evei i sanap long fran bilong Kumul, i luk olsem Kumul bai rausim trausis bilong ol ovasis tim.

# Ol bikpela birua bilong Kiunga A gret resis bai bung nau

**IAN KAKARERE i raitim**

TUPELA birua tim bilong Kiunga, Magani na United bai bung long dispela wik Sande long kamapim sampela kain ol stail pilai bilong ragbi lig.

United i stap antap tru long poin lata na Magani i stap daunbilu. Taim tupela i save pilai, skoa bilong tupela i save stap klostu tru.

Ol fowat bilong United em second rowa Pancreas, Linus na George Buka bai go pas, long ol, na ol dispela lain i save pilai hat tru. Liklik krangi pilai em sampela taim ol fowat

bilang United i no save pilai stret long posisen bilong ol. Dispela i save kamapim paul pilai na beklain bilong ol i no save pilai gut.

Odori Gawo'o na prop Epelema Kanai bai go pas long ol fowat bilong Magani. Na tupela i kisim gut olgeta pawa bilong pilai na bai redi tasol long brukim banis bilong ol United.

Na long beklain em yangpela hapbek John Kura bai pilai strong tru egensim namba 7 bilong Magani, Livai Dugutura. Winga bilong United,

Jeff Jackis i gat spit bilong smokbalus na narapela samting tu, em i save kik gut tru.

Magani i no gat gutpela golikika na dispela i ken mekim ol i lus gen. Na dispela i no inap gutpela tumas.

Long ol narapela pilai, Souths i no ken kisim bikpela tingting olsem em bai winim ol Tigers long namba tu pilai.

Tigers aninit long lukaut bilong pilaia kosa Joe Kirinam i redi tasol long mekim planti tim i sindaun slip wantaim wari.

Rodney Sanaka na Sogowa Gawa bai go pas long brukim banis na dispela bai givim rot

long hapbek Charlie Nago long kamapim ol liklik trik bilong em.

Brothers bai pilai strong tru sapos ol i laik winim Tarangau. Tasol planti pilaia bilong ol i kisim bagarap taim ol i bin pilai wantaim Souths long las wiken.

Tarangau i mas stap isi na wet tasol long pilaim dispela bikpela pilai.

Hapbek Terry Gugu na faivet Bani Diboga bai kamapim ol gutpela pilai tasol ol i mas kamapim ol strongpela difens tu. I luk olsem Brothers bai win sapos Tarangau i no was gut.

# Raiders salim bikpela tok lukaut

## BANZ LIG RIPOT

**JAMES SAKUL i raitim**

NUPELA tim bilong Banz ragbi lig resis long tupela yia, Raiders i salim pinis tok lukaut i go long ol narapela tim long Banz lig resis taim ol i daunim wanpela bilong ol olupela tim, United taim tupela i bung long bikpela gem long Sande apinun.

Ol yangpela bilong hap boda mak bilong Kimel i kamapim stret 80 minit futbol na bagarapim sindaun bilong ol lain ANGS bilong KNK na winim ol, 28-8.

Dispela win i no kamap isi bikos long namba wan hap, United i bin soim stail bilong bipo long kamapim gutpela pilai. Kepten na Papa bilong United Gop Taia, Tanzi Mol, Kapal Pecks na Billy Ngundumb i mekim save long ol fowat na brukim lain bilong Raiders na mekim isi long ol beklain bilong James Kuss, Pes Diri na Tommy Duka long painim spes na ron. Long dispela hap taim yet, United i putim wanpela trai wantaim kik na penelti kik. Ol Raiders i bin kisim wanpela sans tasol na putim wanpela trai wantaim kik. Haptaim skoa i bin

sanap olsem KNK United 8 na Ok Raiders 6.

Long seken hap, ol boi nogut bilong Kimil boda i kirapim paia stret na pasim olgeta rot bilong United. Ol Raiders i soim olsem strong bilong ol i stap yet na mekim save long brukim banis bilong ol United. Taim United i kisim bal, difens bilong ol Raiders i olsem simen banis.

Kepten bilong ol Raiders, James i kisim gutpela sapot pilai long ol yangpela fowat pilaia olsem Peter Hagen, Jacob Kora, Peter Kaipel na Joseph Kaupa long bagarapim banis bilong United. Taim ol beklain i lukim olsem spes i stap, ol i ron long laik.

Hapbek Max Waria i lukim dispela na i wok long salim bal i go long beklain bilong em olsem James Poro, Michael Malts, Anton Brown, Tom Seri na John Karl long pinisim ol wok. Long dispela hap, United i no putim wanpela trai na ol Raiders i putim 4-pela trai na 3-pela kik i go insait. Olsem na long fultaim, skoa i sanap olsem Ok Raiders 28 i bagarapim sindaun bilong KNK United 8.

Long namba wan A gret gem long Sande, Ango Royals na Tarangau i kamapim gutpela pilai stret na skoa bilong tupela i sanap 14-14 long fultaim.

# Lae bai kirapim nau resis bilong westpac Midwik lig

LAE ragbi lig i opim han bilong em long bringim 6-pela moa lokol viles klap long joinim ol long resis long Westpac Mid-Wik resis.

Na ol bai holim wanpela miting long Sarere bilong givim stret ol nem bilong ol tim husat bai resis long dispela Westpac tropi.

Ol lokol klap husat i tok ol bai pilai em Labu, Markham, Bukawa na Salamaua. Tupela klap bilong Mumeng tu i givim nem pinis bilong pilai, na ol i redi long baim afiliesen fi bilong ol.

Westpac Beng i bin ranim dispela resis long

tripela yia i go pinis. Na long dispela yia, em i apim sponsasip mani i go antap long K4000 sapos planti lokol tim i kam insait.


Ol bai opim dispela resis long Fraide long Lae International Hotel.

Nau yet Lae Ragbi Lig Asosiesen (LRLA) i go insait long raun 2 bilong ol sisen propa pilai na planti klap i no rejistaim ol yet.

Presiden bilong LRLA, George Mack i tok olsem em i no amamas long ol klap opisal na ol klap long traun na mekim sampela samting.



• Tuiyo Evei bilong Goroka Lahanis i ron i kam long helpim wanpilaia bilong em i daunim James Naipao taim ol i bung las wiken. Vipers i winim pilai.



# Souths kirap gen long ples matmat

IAN KAKARERE i raitim

SEMPION tim bilong Kiunga, Souths i bin kirap bek long matmat bihain long ol i winim United, 20-10.

Dispela em i namba wan taim tru long sisen em Souths i soim ol strong bilong ol fowat bilong ol.

Lok fowat Rodney Sanaka na seken rowa Sogawa Gawa na

Bulama Aiwadi i pilai strong tru egensim ol United.

Wantaim planti spes bilong ron em ol fowat bilong Souths i mekim, ol beklain i stat long wokim paia na lukim tupela trai i kamap long namba wan hap. Wapela i kam long lep winga Sibiya Madiya na narapela i kam long hapbek Charlie Nago.

Nago i kikim wapela gol tasol na Souths i go pas long 10-0 long haptaim.

Taim pilai i stat gen long namba tu hap, ol fowats bilong Souths i ron strong gen na Gawa i kamap wantaim narapela trai. Awadi i kikim i go insait na ol i go pas long 16-0.

Gutpela bekap gen i kam long fulbek bilong Souths, Somo no Maitona na wapela trai i kamap tasol kik i no go gut.

Ol United i kisim wapela trai tasol i kam long winga Malawa Aita na Jeff Jakis i kikim i go insait. Faiv et bilong United, Cecil

lakoe i no inap long holim ol Souths.

Long ol narapela pilai, Brothers i laki tru long winim Tigers, 22-14. Tigers i bin go pas long skoa taim pilai i stat bihain long tupela trai i kam long huka Papa Wanuk na fulbek Tony Michael na Joe Kirinam i kikim wapela gol.

Tigers i bin kamapim ol strongpela ron na takol na ol i soim olsem ol i gat planti save long holim bal na mekim kain kain stail.

Tasol hapbek bilong ol Brothers, Nelson Gamai i kisim tim bilong em i go antap wantaim wapela moa trai na Lakoe tu i pinisim win bilong ol Tigers olgeta wantaim narapela trai.

Royals tu i laki long winim Magani, 22-18. Ol lain husat i putim ol trai em Elias Kup, Dick Katafa, Steven Marena na faiv et Dickson.

Long Magani em Roba Jeipi, Odoro Gawo'o Dewan Mabo na John Kura i putim ol trai.

Long ol pilai bilong risev gret, United i winim Souths 10-8.

**Salim Skin....** I luk olsem dispela pilaia bilong West i painim ples bilong ron tasol em i salim skin i go stret long Kaibel Kanaka na poroman bilong em bilong Paga. Paga i winim West long 18-16 long Mosbi Lig ragbi lig resis.

## Pawa bilong ol lapun no kik tumas

### KIMBE LIG RIPOT

CASMIR GIRU i raitim

TARANGAU, i wapela olupela klap bilong Kimbe lig i gat wapela poin tasol long lata bilong Kimbe ragbi lig resis bihain long ol i dro wantaim Gapaki East. Na dispela em i wapela las minit hatwok bilong Lakie Mata husat i wok hat tru long salim fowat Saki Bari i go antap long trai lain long bringim skoa long 16-16.

Tarangau i laki tru long dro long dispela pilai bihain long

em i bin lusim tripela pilai pinis long raun wan bilong Kimbe lig resis.

Liklik ren i bin pundaun taim pilai i stat na tupela tim wantaim pilai hat tru olsem ol i mas win. Tasol ol East i laikim olsem ol i mas win bilong wanem ol i bin winim Umboli Raiders 30-15 pas-taim long lsta Wiken.

Ol East em i namba wan lain bilong kisim poin bihainim wapela penelti kik ol i kisim taim referi i painimaut olsem ol Tarangau i opsait.

Aninit long kosa/pilaia

bilong ol Garap, ol Gapaki i kamapim strongpela takol. Tasol balwok bilong ol ino gutpela tumas na ol i lusim bal oltaim. Ol fowat bilong ol i kamapim gutpela pilai i go na salim Peter Giru i go slip aninit stret long golpos. East i go pas long 8-0.

Tarangau i pilai strong yet na klostu long hap taim wapela trai i kamap long olupela ailen son senta Aisak Gladwin na ol i bihainim long 8-6.

Long namba tu hap, ol East i lukim olsem Tarangau i kam klostu tru long ol na ol fowat i pasim bal hariap tru na wapela trai i kamap na ol i go

pas long 12 -6. Tarangau i kam bek gen strong tru wantaim wapela moa trai na ol i smelim ol East long 12-10

East wantaim gutpela pilai namel long ol fowat na beklain i kamap gen wantaim wapela moa trai long putim ol i go antap pas long 16-10.

I luk olsem East bai winim dispela pilai. Tasol difens bilong ol i no strong tumas na ol mangi Tarangau i salim ol bikpela fowat bilong ol i go slip antap long trai lain na ol i smelim ol East long 16-14.

Tasol ol Tarangau i bin laki tru taim referi i givim ol wapela penelti.

## Las minit asua helpim ol woda long winim pilai

### VANIMO LIG RIPOT

TARANGAU ragbi lig klap bilong Vanimo i amamas tru long winim pilai bilong ol long las wik Sande long wapela penelti gol i kam long risev fulbek, Patrick Ruben na ol i winim Tigers.

Ol Tigers i bin pilai gut tru tasol ol i no inap long strong bilong ol boi long haus kalabus.

Dispela em tupela pawa tim bilong Vanimo. Tigers na

Tarangau i bin kirapim das stret long namba wan minit yet na olgeta manmeri i sanap na kalap tasol i go inap long pinis bilong pilai.

Long namba 19 minit, ol wailpusi husat i pilai hat tru i wok long suvim het long putim trai. Tasol banis bilong ol woda i strong moa.

Taim pilai i pinis long namba

wan hap, ol wailpusi i putim 4-pela trai wantaim wapela konvesen kik.

Na ol Tarangau tu i bin gat stail liklik. Bihain long namba wan trai bilong Tigers, Ruben Dangu i das long sailtain i go na putim wapela trai na faiv et John Welly i kikim konvesen.

Ol Tarangau i no bin pilai gut na planti asua i kamap. Planti bal i pundaun na planti hai takol i kamap.

Tasol klostu long pinis bilong

pilai long namba wan hap, risev fulbek Patrick Ruben i go gen putim wapela trai na Welly i mekim wankain wok bilong em gen.

Em nau long haptaim, Tigers i go pas long skoa. Na skoa i sanap olsem 18-10.

Long namba tu hap, i luk olsem olgeta win bilong ol Tarangau i pinis na ol wailpusi i kamap gen wantaim wapela trai. Namba tu trai bilong wailpusi i kam gen bihain tasol long namba 5 minit

bilong namba tu hap. Na dispela trai bilong ol wailpusi i kirapim ol Tarangau long slip bilong ol.

Tigers i go pas long 28-10.

Man ol Tarangau i kirapim strongpela pilai tru long las 20 minit bilong pilai. Taim ol i opim ai na pilai strong, banis bilong ol wailpusi i no strong moa.

Trai bilong Tarangau i ron olsem wara na i go klostu long fultaim. Ol wailpusi i kisim wapela penelti na skoa bilong ol i go antap 30-30.

## Kundiawa lig kisim bikpela helpim bilong ol nesenel memba

MICHEAL KOMA i raitim

KUNDIAWA ragbi lig (KRL) i amamas tru bihain long tupela nesenel memba i givim bikpela helpim long ol.

Memba bilong Kundiawa MP Joseph Ongulo long las wik i givim K10,500 i go long Seketeri bilong KRL Steven Gore. Na memba bilong Kerowagi, John Kamb i bin givim narapela K1,200.

Na wapela loya long Mosbi na olupela wasman bilong Kundiawa Warriors, Konze Kara tu i givim sampela mani long KRL.

Menesmen bilong KRL i tok bikpela amamas tru i go long ol dispela lain na em i bilip olsem ol bisnis wantaim ol narapela manmeri bai mekim wankain pasin long bihain taim.

Kaupua i tokim *Ragbi Lig Nius*

olsem 50 pesen bilong ol dispela mani bai go long wok bilong stretim Dickson pilai graun. Na narapela 50 pesen bai go long helpim ol Kundiawa Warriors long apim nem bilong tim.

Kundiawa Warriors husat i go pilai insait long dispela resis i kisim sponsa i kam long Collins & Leahy wantaim Negiso Distributo kampani. Mak bilong sponsaim dispela tim long resis em K40,000. Na tupela sponsa wantaim i givim K20,000.

Kaupua i tok tu olsem KRL i redi tu long kirapim wapela klap haus we ol manmeri i ken go na kisim trening long stap fit long olgeta taim.

Samting olsem 7-pela klap i rejista pinis na pilai i stap long Kundiawa pri sisen lig. Ol klap ya em Country, Raiders, United, Souths, Brothers, East na Royals.



**Parwa bilong Vipers....** Ol dispela lain em long pawa man bilong Mosbi Vipers tim. Ol i sanap redi long pilaim ol Goroka Lahanis long las wiken. Long lephan i go long raitan em Kera Ngaffin, Luke Waldiat, Michael Toivita na James Miviri. Vipers i winim Lahanis 31-20.

# Bouncing Bears wary of the lessons of history

# GHOSTBUSTERS!

KOSA bilong Norths, Peter Louis i bin givim wanpela gutpela tok lukaut long ol pilai bilong em long las wik olsem na ol i winim Penrith na go pas long lata bilong Sidni lig resis.

Kain kain tingting i stap long het bilong ol bihain long las sisen we ol i bin pundaun long lata, tasol Loui i tok olsem ol i mas lukaut taim ol i bungim ol Gold Coast long dispela wiken.

"Bikpela pilai bilong mipela long dispela yia em bai kamap wantaim ol Gold Coast," Louis i tok. Louis i bin mekim dispela toktok i go long ol pilai bilong em bihain tasol long ol i winim Penrith.

Taim em i amamas long tim bilong em long winim olgeta pilai bilong ol, em i no laikim olsem ol i mas lus long wanpela isi tim olsem Gold Coast olsem long las yia.

Long las yia, ol i bin winim olgeta pilai bilong ol i kam inap long raun 6. Bihain ol i

bin lus long Balmain, Cronulla, Wests na Souths.

Tupela lus bilong ol long las yia em long ol strongpela tim. Na ol 5-pela lus bilong ol em long ol isi tim.

Taim ol i kisim Jason Taylor, a ol pilai i pilai gut tru, ol i gat bilip olsem ol bai stretim olgeta samting long 1994. Ol i bin soim dispela long ol Penrith long las wiken.

"Taim mipela i go insait long pilai, mipela i lukim Penrith olsem em bai givim tingting long mipela long wanem rot bai mipela i bihainim long dispela yia. Mi bilip olsem taim mun Septemba i kam, ol i no inap stap longwe long bikpela mani. Ol i wok long pilai gut nau," Louis i tok.

Na kosa bilong Penrith, Phil Gould i lukim olsem dispela bai hat liklik long em, i luk olsem ol Norths bai kamapim ol gutpela pilai yet.

Gould i tok olsem win bilong ol Norths long

Penrith em ol pilai bilong Norths i pinisim olgeta strong bilong ol long pilai.


Tasol Loui i tok ol boi bilong em i gat planti strong moa yet i stap na ol i ken autim olgeta yet sapos Gould i laikim.

"I luk olsem long olgeta wik, mipela i wok long kamapim ol gutpela na strongpela pilai. Na long olgeta wik, ol pilai i save gat ol strongpela tingting olsem ol i mas winim ol pilai bilong ol," Loui i tok.


"Taylor tu i save kikim ol bai gut. Bihain liklik taim ol pilai i save gut long pilai bilong em, i luk olsem i no gat wanpela tim inap long stapim ol Norths," Louis i tok.

Tasol Louis i tok olsem brukim banis na putim presa em wanpela hap tasol bilong winim gem.



Em i tok olsem long planti yia ol Norths i save putim planti poin na i luk olsem ol bai go long gren fainal. Tasol difens bilong ol i no save strong long taim sisen i laik pinis.



Cronulla captain Dan Stains... driving the Sharks forward against Wests last Sunday. RIGHT: Breathing fire... St George's tough second-rower David Barnhill attempts to shrug off the tackle of Balmain's Matt Munro.



Bear on the ball... Billy Moore takes on Penrith's Jason Lidden. RIGHT: Norths' playmaker Jason Taylor scouts for opportunities. BELOW RIGHT: There's no pressure on as Saints' fullback Rod Maybon takes the bomb. BELOW (left to right): Ricky Walford, Mark Coyne, Scott Gourley and Noel Goldthorpe celebrate Saints' smashing 46-6 victory over Balmain.



**PORT MORESBY RUGBY LEAGUE DRAWS**  
Round 1/7

Sat 16/04/94

Grd	Time	Gde	Teams
LRO	0930	Res	P/Puma vs Souths
LRO	1100	Res	DCA vs Royals
LRO	1230	A Gde	P/Puma vs Souths
LRO	0200	A Gde	DCA vs Royals
LRO	0330	A Gde	Waliya vs Defence

Sun 17/04/94

LRO	Time	Res	Teams
LRO	0930	Res	Brothers vs Tarangau
LRO	1100	A Gde	Paga vs Hawks
LRO	1230	A Gde	West's vs Kone
LRO	0200	A Gde	Magani vs A/Niugini
LRO	0330	A Gde	Brothers vs Tarangau

Wed 20/04/94

PRL 11	Time	U21	Teams
PRL 11	0245	U21	Magani vs A/Niugini

Thurs 21/04/94

LRO	Time	U/21	Res	Teams
LRO	0500	U/21	Res	Paga vs Magani
LRO	0615	Res	A Gde	Paga vs Magani
LRO	0730	A Gde		Paga vs Magani

Sat 16/04/94

PRL 11	Time	U/17	Teams
PRL 11	0900	U/17	West's vs Kone
PRL 11	0900	U/17	Paga vs Hawks
PRL 11	1000	U/17	P/Puma vs Souths
PRL 11	1000	U/17	DCA vs Royals
PRL 11	1100	U/17	Waliya vs Defence
PRL 11	1100	U/17	Magani vs ANG
PRL 11	1200	U/17	Brothers vs Tarangau
PRL 11	1200	U/19	West's vs Kone
PRL 11	0100	U/19	Paga vs Hawks
PRL 11	0100	U/19	P/Puma vs Souths
PRL 11	0200	U/19	DCA vs Royals
PRL 11	0200	U/19	Waliya vs Defence
PRL 11	0300	U/19	Magani vs ANG
PRL 11	0300	U/19	Brothers vs Tarangau

Sun 17/04/94

PRL 11	Time	U/21	Teams
PRL 11	0900	U/21	West's vs Kone
PRL 11	0900	U/21	Paga vs Hawks
PRL 11	1015	U/21	P/Puma vs Souths
PRL 11	1015	U/21	DCA vs Royals
PRL 11	1130	U/21	Waliya vs Defence
PRL 11	1130	U/21	Magani vs ANG
PRL 11	0115	Res	West's vs Kone
PRL 11	0115	Res	Paga vs Hawks
PRL 11	0245	Res	P/Puma vs Souths
PRL 11	0345	Res	Magai vs ANG

**SYDNEY WINFIELD CUP**

**LAST WEEKEND'S RESULTS**

Club	Points	Club	Points
St George	16	Parramatta	8
Brisbane	37	Penrith	6
Norths	36	Gold Coast	8
East's	40	Balmain	10
Canterbury	42	Newcastle	18
Canberra	30	Illawarra	16
Souths	28	West's	8
Cronulla	26	Manly	14

**POINTS LADDER**

Club	P	W	D	L	F	A	Pts
Norths	5	5	-	-	137	68	10
St George	5	4	-	1	114	58	8
Canterbury	5	4	-	1	112	80	8
Cronulla	5	4	-	1	107	74	8
Canberra	5	3	-	2	138	81	6
Brisbane	5	2	1	2	127	91	5
Manly	5	2	1	2	131	88	5
Penrith	5	2	1	2	62	91	5
Illawarra	5	1	2	2	88	94	4
Balmain	5	2	-	3	92	133	4
West's	5	2	-	3	65	162	4
Parramatta	5	1	1	3	76	86	3
Souths	5	1	1	3	76	140	3
Gold Coast	5	1	1	3	93	140	3
Newcastle	5	1	-	4	97	112	2
East's	5	1	-	4	82	118	2

**THIS WEEKEND'S DRAW**

Penrith	vs	Balmain
Brisbane	vs	Norths
East's	vs	Parramatta
St George	vs	Gold Coast
Newcastle	vs	Cronulla
Manly	vs	Souths
West's	vs	Canberra
Illawarra	vs	Canterbury

**SP INTER CITY CUP**

Round Five Results

Thursday April 7:

Eagles 34	def	Globetrotters	10
-----------	-----	---------------	----

Sunday April 10:

Vipers 31	def	Lahanis	20
Gurias 22	def	Muruks	10
Bombers 14	def	Eagles	6
Warriors 30	def	Globetrotters	16

Competition Table

P	W	D	L	F - A	PTS	
Lahanis	6	4	-	2	155 - 103	8
Muruks	6	4	-	2	161 - 124	8
Vipers	6	4	-	2	160 - 141	8
Warriors	6	4	-	2	133 - 130	8
Eagles	6	3	-	3	123 - 90	6
Bombers	6	3	-	3	104 - 109	6
Gurias	6	2	-	4	127 - 125	4
Globetrotters	6	-	-	6	74 - 207	0

Round Six Matches

Sunday April 17:

Muruks	vs	Lahanis	Tente Oval 3.00pm
Bombers	vs	Vipers	Lae R.L.G. 3.00pm
Gurias	vs	Warriors	Q.E.P. 3.00pm
Globetrotters	vs	Eagles	R.A.O. 3.00pm

**GOROKA WINFIELD LEAGUE**

**A GRADE POINTS LADDER**

TEAM	P	W	D	L	PF	PA	PTS
Royals	5	5	-	-	124	68	10
Tarangau	5	4	-	1	90	64	8
Brothers	5	3	-	2	70	84	6
Tigers	5	2	1	2	90	96	5
Hawks	5	2	1	2	96	106	5
Country	5	2	-	3	62	96	4
United	5	1	-	4	92	94	2
Panthers	5	-	-	5	78	106	0

**RESULTS:**

Date: 11.4.94 Week Ending: 10.4.94

Tarangau 24	def	Hawks 18
Royals 28	def	Country 14
Tigers 30	def	Panthers 22
Panthers 22	def	United 16

**DRAW:**

Panthers	vs	Country
Brothers	vs	Tigers
United	vs	Hawks
Tarangau	vs	Royals

**MATCH OF THE ROUND**

Tarangau	vs	Royals
----------	----	--------

**COMMENTS:**

Replay of 1993 grand final but both teams will be missing their stars who are in the Lahanis for the SP Intercity. Royals want to stay on top so they won't give the boys from red corner a chance. Royals will be led by Manu Gomare in the forwards and the backs will be led by Koni Sari. Tarangau want to be up there as the top club in PNG so they will give Royals a run for their money. Tarangau will be led by skipper T.J. Hooker (Tom Jones) in the forwards. The backline will be guided by young half back David Bona who had a great game between Hawks and Tarangau.

**KIUNGA RUGBY LEAGUE**

Venue: High School Oval

**DRAWS**

Saturday 16/04/94

Times	Grade	Clubs
12.00pm	U/19	Magani vs United Tigers
1.00pm	U/19	Souths vs Tarangau
2.00pm	U/19	Brothers vs United Tigers
3.00pm	Res	Magani vs United Tigers
4.00pm	Res	Souths vs Tarangau
5.00pm	Res	Brothers vs Tarangau

Sunday 17/4/94

12.30pm	A	Magani vs United Tigers
2.30pm	A	Souths vs Tarangau
4.30pm	A	Brothers vs Tarangau

NOTES:  
 (1) Teams failing to take the field within ten minutes of the scheduled time will lose the game on forfeit.  
 (2) All referees must be available for games 30 minutes before scheduled time.  
 (3) All teams must be present in their dressing up areas at least 30 minutes before scheduled kick off time.

**POINTS LADDER**

**A Grade**

Club	P	Bye	W	D	L	F	A	Pts
Brothers	4	1	4	-	-	119	51	10
Souths	5	-	4	-	1	124	82	8
United	4	1	3	-	1	86	59	8
Tigers	4	1	1	-	3	49	80	4
Magani	4	1	1	-	3	6	92	4
Tarangau	4	1	-	1	3	60	76	3
Royals	5	-	1	1	3	80	119	3

**Reserve Grade**

Tarangau	2	1	2	-	-	36	12	6
United	2	1	1	-	-	18	14	6
Brothers	3	-	2	-	1	36	8	4
Royals	3	-	1	1	1	34	32	3
Magani	2	1	-	1	1	12	12	3
Souths	3	-	-	-	3	30	44	0
Tigers	3	-	-	-	3	14	46	0

**Under 19**

United	1	-	1	-	-	20	12	2
Royals	1	-	1	-	-	10	0	2
Tarangau	-	1	-	-	-	0	0	2
Souths	1	-	-	-	1	12	20	0
Magani	1	-	-	-	1	0	10	0
Brothers	1	-	-	-	1	0	0	0
Tigers	1	-	-	-	1	0	0	0

**Club Championship**

Club	A	Res	U/19	Pts
United	24	12	1	38
Brothers	30	8	0	38
Souths	24	0	0	24
Tarangau	9	12	2	23
Magani	12	6	0	18
Royals	9	6	2	17
Tigers	12	0	0	12

**Leading Try Scorers**

Name	Club	Tries
Charlie Nago	Souths	9
Somono Maitona	Souths	6
Bani Diboga	Tarangau	5
Nelson Gamai	Brothers	5
Jason Mamaea	Brothers	4
Cecil Iakoe	Brothers	4
Nicko Mick	Magani	4
Jeff Jakis	United	3

**Leading Goal Kickers**

Name	Club	Pts
Jeff Jakis	United	11
Charlie Nago	Souths	9
Mara Kubu	Brothers	8

**Leading Point Scorers**

Name	Club	T	G	FG	Pts
Charlie Nago	Souths	9	9	-	54
Jeff Jakis	United	4	11	-	38
Somono Maitona	Souths	6	-	-	24
Bani Diboga	Tarangau	5	-	-	22
Nelson Gamai	Brothers	5	-	1	21
Mara Kubu	Brothers	1	8	-	20



Air Niugini em i wanpela strongpela tim long Mosbi. Na kain stail pilai bilong ol i save gat kik. Wanpela pilai bilong Souths i laik holim em tasol senta bilong Air Niugini i rausim bal hariap tru.

Nogat rot bilong go. Dispela pilai bilong West long Mosbi Ragbi resis i nogat rot bilong go. Em i popala stret long han bilong ol mangi Paga.



•Wanpela pawa meri bilong Karanas risev gret i taltim bun stret long paitim bal. Kain strongpela bun bilong em i mekim na Karanas i winim fainel bilong ol meri egensim ol Chebu.



•Straika bilong Gorden Haiskul long Mosbi i redi tasol long brukim umben bilong ol meri Kilakila. Dispela em long pilal bilong ol skul meri long las wik Fonde long makim Wol Helt Dei. *Poto: Jack Ami*



•Stall bilong Mosbi Netbal resis i save kirapim das long olgeta wiken. Na pala i save lait liklik tu ya. Narapela susa ya i laik kalap tasol i nogat rot bilong em long go.



• Wanpela pilala bilong Wewak United i hatim skin bilong em bipo long bikpela pilai bilong ol long Wewak Soka resis. *Poto: Paul Fuzo*



•Noken ting olsem em Maradona na Pele i resis long kisim bal. Nogat. Em ol stall liklik mangi bilong ol skul long Mosbi husat i save pilal long skulbois soka resis long olgeta wiken.



• Sapos tupela i abrus liklik long bal bal bun i palrap. Tupela susa ya bilong larowari na Gordens haiskul long Mosbi i taltim bun stret long pilal. Bikpela pilai soka bilong ol skul meri i bin kamap long Mosbi long las wik Fonde.

PORT MORESBY SCHOOLS SOCCER ASSOCIATION - 1994 Season  
Venue: Sir John Guise Stadium  
Date: Saturday, 16/04/94

Time	Teams	Round	Match No
<b>Under 7's</b>			
08.00-08.40	Pom Int vs St Josephs	3	7.025
08.40-09.20	Murray A vs Murray B	3	7.026
09.20-10.00	Korobosea A vs Korobosea B	3	7.027
10.00-10.40	Ela Beach vs Gordon Int	3	7.028
<b>Under 8's</b>			
08.00-08.40	Murray Int vs Pom Int	8	8.025
08.40-09.20	Gordon Int vs T.B.A.	8	8.026
09.20-10.00	Ela Beach vs St Josephs	8	8.027
10.00-10.40	Korobosea A vs Korobosea B	8	8.028
<b>Under 9's</b>			
08.00-08.40	Murray B vs St Josephs	4	9.040
08.40-09.20	Murray C vs Godron Int	4	9.041
08.40-09.20	Murray A vs Pom Int	5	9.042
09.20-10.00	Korobosea A vs St Peter Chanel	4	9.043
10.00-10.40	Pom Int vs Gordon Int	4	9.044
10.40-11.20	Ela Beach vs Korobosea B	4	9.045
<b>Under 10s</b>			
08.00-08.50	Murray Int vs Pom Int	10	10.025
08.50-09.40	St Joseph A vs St Joseph B	10	10.026
09.40-10.30	Ela Beach A vs Ela Beach B	10	10.027
10.30-11.20	Korobosea vs Moitaka WL	10	10.028
<b>Under 11s</b>			
07.30-08.20	Diharoa Com vs Pom Int	11	11.040
08.20-09.10	Moitaka WL vs Korobosea B	11	11.041
09.10-10.00	Bomona PC vs Murray Int	11	11.042
10.00-10.50	Gordon Int vs Korobosea B	11	11.043
10.50-11.40	Gerehu Com vs St Josephs	11	11.044
11.20-12.10	Korobosea A vs Gordon Int	10	11.045
<b>Under 12A's</b>			
08.00-09.00	Kila Kila Com vs Korobosea Int	6	12.025
09.00-10.00	Bavaroko vs St Pauls A	6	12.026
10.00-11.00	Diharoa Com vs Ela Beach Int	6	12.027
11.00-12.00	Gerehu Com vs Gordon Int	6	12.028
<b>Under 12B's</b>			
08.00-09.00	St Francis vs Bavaroko B	7	12.125
09.00-10.00	St Peter Chanel vs Sacred Heart	7	12.126
10.00-11.00	St Josephs vs H/Rosary	7	12.127
11.00-12.00	St Therese B vs St Pauls B	7	12.128
<b>Under 13A's</b>			
08.00-09.00	Gordon Sec vs Korobosea	2	13.025
09.00-10.00	Moitaka WL vs Murray Int	2	13.026
10.00-11.00	Bomona PC vs Diharoa Com	2	13.027
11.00-12.00	Gerehu Com vs Gordon Int	2	13.028
<b>Under 13B's</b>			
08.00-09.00	St Pauls vs St Peter Chanel	1	13.125
09.00-10.00	St Francis vs Bavaroko	1	13.126
10.00-11.00	Pom Int vs St Therese	1	13.127
11.00-12.00	St Josephs vs T.B.B.	1	13.128
<b>Under 14's</b>			
08.00-09.00	H/Rosary vs St Francis	12	14.025
09.00-10.00	Sacred Heart vs De La Salle	12	14.026
10.00-11.00	St Therese vs Diharoa Com	12	14.027
11.00-12.00	Don Bosco vs Kila Kila	12	14.028
<b>Under 15's</b>			
08.00-09.00	Gordon Sec vs Hohola Youth	G1	15.025
09.00-10.00	Pom Int vs T.B.A.	G1	15.026
10.00-11.00	Bomona PC vs De La Salle A	G1	15.027
11.00-12.00	De La Salle B vs Don Bosco	G1	15.028
<b>Under 16/17</b>			
08.00-09.00	Don Bosco B vs Hohola Youth	G2	16.025
09.00-10.00	Laloki vs Maino Heduru	G2	16.026
10.00-11.00	De La Salle A vs De La Salle B	G2	16.027
11.00-12.00	De La Salle C vs Don Bosco A	G2	16.028



*Haiskul stail...Susa ya i laik slipim stret olgeta gras taim skul bilong em wantaim arapela haiskul i bung long ol inta haiskul spot resis long las wiken. Bikpela lain sumatin i bin bung long dispela spot de.*

NCD BASKETBALL LEAGUE

Monday April 18th 1994

Time	Teams	Division
6.00pm	Exodus vs Air Niugini	W
7.00pm	Exodus vs Air Niugini	M
8.00pm	B&H vs Otis	W
9.00pm	B&H vs Otis	M

Wednesday April 20th 1994

6.00pm	Huon Stars vs Chiefs	W
7.00pm	Huon Stars vs Chiefs	M
8.00pm	Bankers vs Charlots	W
9.00pm	Bankers vs Charlots	M

BANZ RUGBY FOOTBALL LEAGUE

Weekend Draws

Saturday, 16/04/94

Fixture	Division:
Magani vs Jets	U17
Brothers vs United	U17
Magani vs Jets	Res.
Brothers vs United	Res.
Magani vs Jets	A
Brothers vs United	A

Sunday, 17/04/94

Hawks vs Tarangau	U17
Royas vs Wests	U17
Hawks vs Tarangau	Res.
Royals vs Wests	Res.
Hawks vs Tarangau	A
Royals vs Wests	A

POPONDETTA SOCCER ASSOCIATION  
DRAW ROUND ONE GAME FIVE

Saturday April 16, 1994.

Teams	Vs Teams	Division	Time	G/d	Referees
Nami	vs Kapits	Woman	12.00	2	Mari
Sopex (1)	vs St Andrew	Woman	1.00	2	Samuel
Morobe Utd	vs Seteles	1st man	2.00	2	Mari
St Andrew	vs Wairope	1st man	10.00	one	Donold
Kapit	vs Nami	P/Reserve	11.00	one	Wodman
Kaks	vs BFC	P/Reserve	12.00	one	Danston
Exces	vs PAC	P/Reserve	1.00	one	Donold
Kapit	vs Nami	Premier	2.00	one	Wodman
Kaks	vs BFC	Premier	3.00	one	Danston
Exces	vs PAC	Premier	4.00	one	Donold

Sunday April 17, 1994.

Kaks	vs K/Tredes	Woman	12.00	2	Samuel
Ihane	vs Sopex (2)	Woman	1.00	2	Mari
Sewa	vs Adopa	1st man	2.00	2	Samuel
Sopex	vs Momase	1st man	10.00	one	Danold
Tarangau	vs Asum	P/Reserve	11.00	one	Wodman
Ihane	vs S/Sumbripa	P/Reserve	12.00	one	Danold
PKK	vs North East	P/Reserve	1.00	one	Danston
Tarangau	vs Asum	Premier	2.00	one	Wodman
Ihane	vs S/Sumbripa	Premier	3.00	one	Danold
PKK	vs North East	Premier	4.00	one	Danston

MADANG AMATEUR BASKETBALL DRAW

Saturday April 16  
Court No One  
Round No One

Time	Teams	Division
11.15	WB Pilgrim vs Tarangau	
12.00	MB Indips vs Tarangau	
12.45	WB Momase vs Kakesoul	
13.30	MB Dofuns vs Pilgrims	
14.15	MA St Fidelis vs Dfuns	
15.00	MA Royals vs Kakesoul	
15.45	WA Dofuns vs Royals	

Sunday April 17  
Court No One  
Round No One

12.00	MB Momase vs Kakesoul	
12.45	WB Dofuns vs Natives	
13.30	WA Momase vs Pilgrims	
14.15	WA Nomads vs Tarangau	
15.00	MA Momase vs Pilgrims	
15.45	MA Indips vs Oldies	

LAE FOOTBALL SOCCER ASSOCIATION  
ROUND 6 DRAW  
WEEK ENDING 16-17 APRIL 1994.

Women	Team	Sunday	Division
9.00	Bara vs Nadzab	Gr 1	
9.00	Mopi vs Waiya	Gr 2	
10.15	Saints vs Uni	Gr 1	
10.15	Poto vs Blue Kumuls	Gr 2	
<b>Under 19</b>			
9.00	Nadzab vs Bugandi	Gr 3	
9.00	Tolec Buresong vs Yema Gaipa	Gr 4	
10.15	PTC vs Taranga	Gr 3	
10.15	Borabora vs Saints	Gr 4	
	Balob vs Faze (To be postpond)		

BASKETBALL ASSOCIATION DRAW SIR  
HUBERT MURRAY STADIUM

Sat 16/04/94

Mens B Grade	Time	Teams
1030		Doremai vs Piekuku
1115		Oroko vs Delta
1155		Cousins vs Avagaus
1235		OKM vs Haiimai

Mens A Grade

1245	Doremai vs Piekuku
0135	Oroko vs Delta
0210	Cousins vs Avagaus
0245	OKM vs Haiima

Womens B Grade


1030	Haiimai vs OKM
1115	Cousins vs Avagaus
1155	Oroko vs Delta
1235	Doremai vs Piekuku

Womens A Grade

1245	Haiimai vs OKM
0135	Cousins vs Avagaus
0210	Oroko vs Delta
0245	Doremai vs Piekuku

Referees

Baduh Steven	Richard Aua	Andson Keme	Ila Varia
Sami Kairi	Alau Mose	Mr S Mope	Murray Aua
Omae Eka	Keaia Amoko	Bill Aua	Joe Vail
Maikoi Mose	Alau Omoro	Mrs Talith	Ms Agnes Peter



*Ples i paia...Long netbal graun, man ol lain meri ya i hatim stret bun bilong soim olsem pawa bilong pilai na holim bal i stap yet. Em nau, stail bilong ol meri Mosbi long Bisini.*

# Profesinel boksen kirap gen bihain long 20 yia

## RODNEY KAMUS i raitim

BIPO yumi save harim ol biknem boksa man olsem Martin Benny, John Abba, Steven Metta, Kusak "Tigerman" Kamanak, Robert Namana na sampela moa. Dispela ol ol boksa em i no ol amata boksa. Nogat. Ol boksa, ya em ol profesinel boksa husat i ken pait long ol wol taitel.

Papau Niugini i bin gat biknem long boksen long bipo taim. Na i no long amata boksen. Em long

ol profesinel boksen pait.

Taim profesinel boksen i pinis, amata boksen tasol i bin stap long kantri i kam inap nau.

Bihain long 20-pela yia i nogat profesinel pait long PNG na tupela nem boksa bilong PNG i mekim gut olgeta samting long kirapim gen dispela pilai. Tupela man ya em Martin Benny na Steven Metta.

Metta i tokim Wantok olsem ol i kirapim bek dispela profesinel boksen long wanem ol i lukim olsem PNG i gat planti ol man husat i ken pait long ol wol taitel.

Em i tok olsem nau yet planti ol man i ting olsem Amata boksen em i bikpela boksen tru insait long kantri. Tasol dispela i no tru. Amata boksen em bilong ol junia na em ol liklik pait tasol. Na mak bilong dispela em yu inap go long Olympic gems tasol.

Tasol profesinel boksen em pait bilong wol taitel na i no wanpela pilai pait tasol.

Long Papua Niugini em ol i statim dispela pait pinis long las wiken long Milinebay. Tasol dispela i no bilong wanpela taitel

pait. Na pait i bin stap namel long Kilian Birenka bilong North Solomons na Andy Max bilong Gulf. Tupela i bin dro long dispela pait.

Long dispela wiken, bai i gat nambawan weltaweit taitel pait bai kamap long Bereina long Sentral provins. Na dispela em i nambawan profesinel weltaweit taitel pait.

Pait ya bai kamap namel long Kilian Birenka bilong PNG Profesinel Boksen Promosen wantaim Eddie Kua bilong Aipen Pro-

fesinel Boksen Promosen.

I gat ol narapela profesinel boksen tu bai kamap long dispela yia em long Ok Tedi dei long Kiunga na pait bai stap namel long Andy Max bilong PNG na Mick Power bilong Australia na long Septemba bai i gat pait namel long Kilian Birenka bilong PNG na Possium Sherrington bilong Australia.

Metta i tok olsem ol bai kisim moa toksave yet i kam long Fiji, Philipines na Guam we ol boksa bilong mipela bai salensim ol dispela kantri tu long pait.

## Paia bilong Mitif lait yet

### PETER BIMARI i raitim

MITIF i wok long kamapim ol gutpela pilai long Lae soka bihain long bikpela win bilong ol egensim Blue Kumuls 3-0 long las wik Sarere.

Na ol gol ya i kam long ol stail midfil bilong ol Charlie Ather, Seth Aling, Joe Tomaline i givim ol mangi Markham dispela win.

Olsem long olgeta pilai, long stat bilong pilai yet, ol straika i wok long smelim ol umben na traim ol wei bilong sutim kiau

Tupela tim wantaim i kisim planti sans long skoa tasol difen tu i olsem ston.

Tasol taim Ather i putim nambawan gol bilong Mitif, dispela i tanim pilai nau. Mitif i wok long brukim kiau i stap tasol. Aling i sutim mak long wanpela gol na bihain tasol Tomaline

i putim las go long mekim ol i win.

Ol midfil bilong Blue Kumuls, Michael Yagum, Steven Mato, Rex Jungumai na Ambrose Polulu i gat planti sans long skoa tasol taim i sot na Mitif i wok long skoa yet.

Dispela win bilong Mitif i putim ol long namba tu ples long lata bihain long 5-pela raun. Blue Kumuls i stap long namba 4 na Mopi i stap namba tri.

Nadzab tu i winim sempion tim Goro long 5-0. Ol gol i kam long Lothar Noah, Gowa James, Max Gedisa na John Max.

Ol fulbek bilong Goro David Wosa, Songke Kepe na Chris Stanley i bin pilai gut tru long dispela gem. Nadzab nau i stap long namba 7 bihain long dispela win.

WestPac i winim Saints 4-0 na Mopi i winim Buresong 2-0. WestPac i stap namba wan nau long lata.

## Goroka kirapim kot bilong ol kain kain pilai

### SAPE METTA i raitim

OL kainkain spot oganaisesen insait long Isten Hailan long namba wan taim tru bai igat wanpela spots kot we bai lukluk long ol hevi i save kamap long ol kain kain pilai.

Sampela ol bikpela sports asosiesen insait long Goroka i bin toktok long dispela longpela taim tru na i redi long makim ol man long kamapim dispela kot bilong ol pilai.

Wanpela bilong ol eksekutiv husat i toktok strong tru long dispela em presiden bilong Goroka Soka Asosiesen Mathew Waram husat i lukim olsem dispela kot bai stretim planti ol pait i save kamap long ol pilai.

Waram i tok olsem Goroka i wanpela liklik taun na ol sem manmeri tasol i save pilai long olgeta yia.

Em i tok olsem i bin gat sampela kain samting olsem taim wanpela pilai i saspem long wanpela pilai, em i save go pilai long narapela pilai gen. Na

bihain liklik em i save mekim trabel gen na ol bai rausim em gen.


Waram i tok olsem wanpela kot tasol bilong olgeta sports bai lukluk gut long ol dispela pilai husat i save kalap nambaut long ol pilai long wanem ol i nogat gutpela disiplin bilong ol.

Em i tok tu olsem dispela kot bai i ken luksave long ol pilai husat ol i rausim long wanpela sport na em bai hat long pilai ya long go long narapela sport bilong wanem ol i mekim trabel pinis.

Waram i kisim pinis gutpela sapot i kam long ol ragbi opisal, basketbal na sofbal eksekutiv husat i givim nem bilong ol biknem man bilong ol long kamapim dispela kot.

Dispela tingting em long holim wanpela kot long olgeta wik long lukluk long ol pilai husat i kosim trabel na ol narapela ripot i kam long ol refri long wanem samting i kamap long wiken.

Nau yet sampela ol sport i gat ol kot bilong ol tasol ol i no save bung long olgeta wik long lukluk long ol pilai na ripotim gut ol samting.



*Bisini i paia...Sori, watpo na yu kam long baksait...kam traim long fran na bai yumi lukim. Em nau, kain toktok olsem i bin kamap long dispela poto taim tupela tim bilong ol meri i bung long Mosbi soka resis long las wiken.*

## Buresong mas painim asua kwik

BURESONG i mas soim tru stail bilong ol long dispela sisen long Lae Soka resis bihain long em i lusim 4-pela pilai pinis.

Long poin lata bihain long raun 5, Buresong i stap long namba 9 wantaim Goro daunbilo tru long lata.

Las wik Sarere, Mopi i bin bagarapim sindaun bilong ol long 2-0. Dispela i mekim na olgeta pilai na opisals i bung long toktok na painim wanem hap tru hevi i stap.

Mopi i kisim ol gol i kam long winga Eddie William husat i kisim prais olsem nambawan pilai long dispela gem na i mekim ol Mopi i bilip olsem ol bai stap long fainel.

Ol lain long midfil Terence Yarikari, Frank Yauwo na Bob Tara i mas kisim bikpela amamas tru. Bilong wanem long hatwok bilong ol long putim presa long Buresong na ol i salim William i go long brukim kiau.

Olpela intenesenel pilai bilong Buresong Kule Matu long midfil na Givi Robert wantaim Hans Mais i gat planti sans long brukim kiau tasol ol

beklain bilong Mopi Awoi Benao, Donatus Wafi na Richard Anio i mekim banis bilong Mopi i strong nogut tru.

Saints tu i wok long traim hat tru long go antap long lata bihain long ol i bin kamapim ol gutpela pilai long stat bilong sisen.

Tasol lus bilong ol las wik Sande egensim lida bilong resis WestPac em planti sapota i no amamas tumas.

Wantaim tupela win na tripela lus, Saints i stap namba 7 long lata bihain long raun 5.

Ol straika bilong ol Mathew Iso, Willie Oxley, Sebastian Tiram, Willie Nome, Nicholas Sama, Alford na winga Alu Nelson i save pilai gut long sampela taim. Tasol ol i no bin putim planti gol na kosa bilong ol i tingting planti long bikpela pilai bai kamap long dispela wiken.

Ol midfila bilong WestPac Bet Woiwoi, Simon Hoh, Jeffrey Allan na winga Gabby Rugauwe i sutim wanwan gol long dispela pilai. Tasol Woiwoi i putim nambawan go long kirapim tingting bilong ol.





# PTC rausim trausis bilong Jaura Jaura kisim helpim na nem i senis

## FRANCO NEBAS i raitim

PTC long las wik Sande i bin rausim trausis bilong Jaura 3-0 long Lae Soka resis.

Ol telipon mangi ya i no givim wanpela sans liklik long ol poro bilong ol Jaura na mekim save stret long ol long bikpela pilai long Sande apinun.

Em ol mangi PTC i bin kontrolim bal long nambawan 15 minit wei Gidix Nasa i salim wanpela gutpela bal i go long straika bilong em Tisa Sonunu husat i brukim kiau.

Ol mangi Jaura i lukim dispela gol i kamap na ol i laik tanim bek na mekim save long ol PTC. Tasol i no nap. Olgeta bal bilong ol i go i save pas long han bilong bikpela goli Aganda Gidigia.

Long nambatu hap, Jaura i putim bikpela presa tru long ol PTC. Tasol

difens bilong ol PTC i strong moa na ol straika bilong Jaura i no nap brukim umben.

Wanpela replesmen pilaia bilong PTC, Joe Rande husat i senisim Mac Luther, i setim wanpela gutpela bal long midfilda Nicholas Poy husat i sutim namba tu gol long 20 minit bilong namba tu hap.

Ol mangi Jaura i no laik givim dispela pilai i go long ol PTC isi tasol. Ol i wok long kikim ol gutpela bal tasol i pas long han bilong goli Gidiga.

Narapela riplesmen Oscar Aba i go insait long PTC na kisim wanpela gutpela bal i kam long Poy na sutim wanpela moa gol. Na PTC i winim dispela pilai long 3-0.

Long ol narapela pilai em Mitif i rausim trausis bilong Blue Kumuls 3-0, Nadzab wilwilim Goro 5-0 na Mopi nekim Tolec 2-0.



• Ol lain memba bilong Jaura tim bilong Lae i bilas long nupela yunifom bilong ol.

JAURA Soka Klab long Lae primia divisen nau bai nem bilong em i stap olsem PNG Forest Jaura.

Ol i kisim dispela nem bihain long PNG Bulolo Forest i sponsarim ol

wantaim ol jesi na tu i givim K500 long rejisterim ol pilaia bilong ol.

Dispela klab Jaura em ol mangi long South Morobe patrol pos i save pilai. Tasol planti bilong ol pilaia

em ol mangi long Bumbu Kompaun long Lae.

Presiden bilong Jaura Klab Nata Dawa na kosa Nobo Nobo i gat bikpela tingting olsem Jaura bai pilai insait

long ol fainel bilong dispela yia.

Jaura i bin kam antap na pilai long primia divisen bihain long ol i pilai long fainel bilong nambawan divisen long Lae Soka resis long 1991.

# Goroka bai kisim yet helpim long sevans resis

SOKA long Goroka bai kisim planti helpim i kam long wanpela ilektrikel kampani husat i redi long sponsarim 7 a sait resis inap long sampela moa yia.

Kampani ya Browns Electrical Company em bilong wanpela man husat i save laikim pilai soka. Mista K Brown i tokaut long dispela bihain long em i givim tropi i go aut long ol pilaia husat i bin pilai long dispela resis bilong dispela yia.

Dispela sevans soka resis em ol i ogenaisim olsem pilai bilong pri

sisen, i bin stat long las yia na Browns Electrical tasol i bin sponsarim.

Dispela resis em bai long kirapim tingting bilong ol bisnis haus na ol gavman dipatmen long sponsarim wanpela tim o putim tim bilong ol yet long pilai. Dispela bai kamapim gutpela sindaun namel long ol pipel husat i laik amamas.

Long resis bilong dispela yia, 24 tim olgeta i bin pilai na dispela i winim tru ol namba bilong las yia. Na ol meri tu i bin putim 8-pela

tim long pilai tu.

Long pilai bilong ol man, Coffee Industry Corporation na Capital Authority i bin bung long fainel na Capital Authority i bin win long 3-1. Long ol meri em Coffee Industry i bin winim. Ol namba tu tim i bin kisim ol tropi na tu i gat ol prais bilong ol tim husat i kamapim ol gutpela pilai.

Ogenaisim siaman John Wokunere tu i kisim tropi long hatwok bilong em. Na tu ol refri i kisim tropi tu.

Sponsa i tok olsem planti taim

em i laik lusim tasol taim em i lukim olsem nogat man i laik sapotim, em i mas kam bek long sapotim.

Long ol narapela nius Goroka Soka Asosiesen (GSA) bai holim wanpela miting long makim ol interim eksekutiv bilong em. Narapela miting gen bai kamap long April 18 na ol i laikim olsem olgeta klab opisals i mas kamap bilong wanem i gat planti samting bilong toktok i stap yet.

Resis bilong sisen propa bai stat

long April 24. Na dispela bai lukluk long wanem ol klab i peim rejistresen fi bilong ol bai pilai.

Wokunere bihain long ol i makim em olsem Interim Siaman, i tok bikpela amamas i go long sponsa Browns Electrical long sapot bilong ol.

Em i tok long sponsasip bilong ol i mekim na olgeta bisnis haus i kamap long pilai na i luk olsem planti bilong ol bai sapotim soka long Goroka.

# KAKS bai makim Onsena long klap sempionsip

SEMPION tim bilong Popondetta KAKS bai makim Popondetta

long go pilai long Nesenel Klab Sempionsip long Rabaul long

Kwins Betdei wiken. Wanpela mausman bilong PSA husat i go

sindaun wantaim ol long wanpela miting i tokaut olsem ol KAKS i

opisali tokaut olsem ol i redi tasol long go long Rabaul na nogat wanpela samting bai stopim ol. Tasol wanpela liklik samting tasol, ol i tok olsem i no stret yet.

Na taim ol toktok i kamap long redim ol KAKS i go long Rabaul, planti senis tu i luk olsem bai i kamap long ol tim insait long PSA.

Long las wik, ol opisal bilong PSA i painimaut olsem wanpela tim North East husat i save pilai long fes divisen i gat moa long 6-pela lig pilai i stap insait long dispela tim.

Long miting bilong ol PSA opisals ol i bin holim long las wik, ol i kamapim wanpela tingting long apim dispela tim i go pilai antap long primia divisen.

Bilong wanem i gat ol planti ol junia pilaia i save pilai long fes divisen tasol ol i no inap tru long salensim ol lain ya. Olsem nau nau ol i putim ol i go antap long primia divisen. Na nambawan pilai bilong ol bai kamap long dispela wik Sande egensim PKK.

Na lain husat i kam antap long kisim ples bilong North East long fes divisen em Momase Soka Klab. Na nau namba bilong ol tim i sanap olsem

## SAMUEL BASIM i raitim

12-pela primia tim na primia risev, 8-pela fes divisen na 8-pela tim bilong ol meri.

Ripot i kam long PSA i tok olsem ol bai ino nap mekim dispela kain senis gen long ol narapela yia i kam yet.

Ol opisal tu bilong PSA i laik holim wanpela miting hariap tasol long Independens pilai graun long Fonde 10 klok moning. Presiden John Douglas i laik lukim olsem olgeta mausman bilong wanwan tim i mas kamap bilong wanem ol bai toktok long planti samting i wok long kamap long ol soka resis.

Long ol pilai bilong las wiken, primia tim BFC i dro wantaim lhane 1-1 na S/Sumbri

i nekim Tarangau 2-0 long bikpela pilai bilong Sarere apinun.

Long Sande, biknem tim KAKS i mekimsave long Asu 4-0. Kain stail bilong ol mangi Orokawai bilong KAKS i no nap givim wanpela sans long husat tim i laik pilai kaskas long ol.

Nambatu pilai i stap namel long Nami na PKK. Dispela i bin wanpela strongpela pilai tru tasol PKK i strong na brukim kiau long 1-0. Ol gutpela ol pilaia long dispela gem em, Rodney, Otto, Chris long Nami. Na long PKK em Laskam, Aiki na Wilipa na stail goli Ruben David.

Bikpela pilai long apinun i stap namel long ol sumatin bilong Popondetta Agrikalsa Koles na Oro Kapits. Oro Kapits i nekim ol sumatin 3-2.



Stail bilong ol yet...Ol yangpela haiskul meri bilong Mosbi i brukim bun long inta haiskul spot resis las wiken. Ol lain meri bilong Godens i taitim bun wantaim ol lain bilong Mosbi haiskul.



STORI BILONG PILAIA

# Ice kolim pawa bilong Posino long Wewak pri sisen fainal

**FUZO PAUL i raitim**

LONG Sande, Mas 3, Wewak Soka Asosiesen i bin holim ol pri sisen gren fainal bilong en.

Tupela primia tim husat i salens long pri sisen gren fainal em tim bilong ol boi long Kreer kompaun, Wewak Ice na tim bilong ol boi long Misin na Saksak kompaun ol i kolim long Posino.

Pastaim long Wewak Ice na Posino i go insait long pilai graun na soim stail bilong ol, Wantok Niuspepa i bin go raun na toktok wantaim kosa, trena na kepten bilong tupela tim wantaim.

Taim Wantok Niuspepa i go na toktok wantaim kepten bilong Posino Peter Yavi, em i tok olsem Wewak Ice em i wanpela strongpela primia tim. Na tu planti pilaia bilong

no gat inap ekspiriens long pilai long kain ol gren fainal resis.

Kosa bilong Wewak Ice, Alfred Gabong i tokim Wantok Niuspepa olsem em i gat bikpela bilip olsem ol boi bilong em i no inap givim sans long ol boi Misin na Saksak kompaun. Bikos long trening bilong ol, em i tok em bai lukluk strong long tupela winga, Charlie (rait wing) na Nelson (lep wing).

Na tu Wewak Ice i gat gutpela straika olsem Paul Kusunan na long beklain Alphonse Wangi bai mekim wok long lukim olsem ol straika bilong Posino i no mekim golkipa bilong ol i kalap nogut. Gabong i tok em bai lukluk tu long tupela midmilda Las Fisco na James Kiapin long kamapim sampela sans bilong ol long pairapim umben bilong Posino.



minit bihain tasol long referi i statim namba wan hap.

Dispela gol bilong Posino i kirapim paia

kaskas. Na ol i yusim kain kain stail na teknik long sutim wanpela moa gol. Tasol ol boi long Kreer kompaun i

putim kamap strongpela pilai tru. Na i no givim wanpela liklik sans long Wewak Ice long hensapim gen golmak bilong ol. Ol i sanapim strongpela banis tru long beklain bilong ol. Wewak Ice tu i mekim wankain samting. Wantaim strongpela tingting bilong win, ol i no givim wanpela pipia sans long Posino. Nogat tru stret.

Tupela tim wantaim i pilai strong tru long namba tu hap i go na wanpela liklik paul samting i kamap long golmak bilong Wewak Ice. Dispela paul samting i kamap stret insait long penelti eria. Em nau referi i givim penelti i go long Posino. Na Brian Siria i yusim dispela sans long apim skoa bilong Posino i go antap long 2 poin.

Bihain long dispela gol bilong ol, ol boi Posino i pilai hat tru. Tasol ol boi nogut bilong Wewak Ice i no tok orait long ol long hensapim golkipa bilong ol. Klostu long pinis bilong namba tu hap na Paul Kusunan bilong Wewak Ice i apim skoa bilong Ice i go antap long 4 poin wantaim namba tu gol bilong em. Ol boi bilong Misin na Saksak kompaun i pilai strong long apim skoa bilong ol i go antap long 3 poin tasol referi i winim wisil na stapim pilai. Bikos taim long hanwas bilong em i tok pilai i mas pinis. Olsem na Wewak Ice i winim Posino long pri sisen gren fainal bilong WSA, 4-2.



• Long foto antap long raithan em ol lain boi bilong Posino, tim bilong Misin na Saksak kompaun. Ol i no strong na ol lain Wewak Ice (long daunbilo) i bagarapim sindaun bilong ol long pri sisen gren fainal.

Wewak Ice i makim provins na pilai pinis long ol bikpela kik resis long ol arapela senta. Olsem na ol i gat bikpela ekspiriens.

Peter i tok tim bilong em Posino i stat pilai long tupela yia i go pinis. Na ol i no bin go insait long wanpela gren fainal. Dispela em i namba wan taim bilong Posino long go insait long wanpela gren fainal.

Em i tok planti pilaia i bilong junia divisen bilong las yia. Tasol long dispela yia, ol i kisim namba na go antap long primia divisen. Olsem na ol i

Plantu manmeri na pikinini i bin kamap na bung long Prins Charles pilai graun long lukim dispela tupela tim i soim stail na teknik bilong ol long pilai.

Long namba wan hap bilong pilai, ol boi bilong Misin na Saksak kompaun i no givim sans long Wewak Ice. Ol i pilai strong tru na straika bilong ol Ken Gule i kisim wanpela gutpela sans na hensapim golkipa bilong Wewak Ice. Kipa i kalap nogut na umben bilong em i meknais. Dispela gol i kamap long 5-pela

long bel bilong Wewak Ice na ol boi bilong Kreer kompaun i pilai strong tru. I no long-taim na kosa bilong ol, Alfred Gabong i yusim kain stail bilong em na mekim golkipa bilong Posino i kalap nogut na umben bilong golmak bilong Posino i singsing.

Tupela tim wantaim i pilai strong tru tasol Posino i no putim kamap strongpela banis long beklain bilong em na Wewak Ice i sutim namba tu gol bilong ol.

Namba tu gol bilong Wewak Ice i mekim ol boi bilong Posino i bel


no givim sans long ol. Ol boi bilong Posino i traim hensapim golkipa bilong Wewak Ice tasol em i no kalap nogut. Bikos lek bilong ol straika bilong Posino i krangi na bal i go ausait, sampela taim i go antap na tu i go stret long tupela han bilong em. Klostu long pinis bilong namba wan hap bilong pilai na biknem pilaia bilong Wewak Ice Paul Kusunan i kikim namba tri gol bilong ol. Long hap taim, skoa i stap olsem Wewak Ice 3 na Posino 1.

Long namba tu hap bilong pilai, Posino i



Nem: Charles Alung  
 Niknem: Munox  
 Krismas: 17 yia (Singel)  
 Ples mama karim em: Wewak, Is Sepik  
 Longpela: 171 sentimita  
 Hevi: 69 kilogram  
 Posisen: Lep fulbek  
 Klap: Wewak Ice  
 Wok: Nogat  
 Namba wan taim pilai soka: 1989-Anda 16  
 Wantaim wanem klap: Wewak Ice  
 Laikim wanem arapela pilai: Volibal  
 Samting laikim long wokim: Wokim pani na tok pilai.  
 Laikim wanem kosa: Alphonse Wangi  
 I no lajkim: Bikheth pasin  
 Laikim: Pilai soka  
 Feveret kalkai: Rais na pis  
 Feveret sofdring: Sunshine Pine  
 Driman: Pilai soka i go na makim provins long ol bikpela kik resis.

# WANTOK SPOTS



# Ol Meri Lae redi long Momase/Hailans tonamen

PETER BIMARI i raitim

AE SOKA Asosiesen (SA) bai tokaut long fainel lista bilong ol meri husat bai makim Lae long Momase/Hailans rijinel soka tonamen long Epril 23-24 long dispela wik Sande. Planti bilong ol pilaia ya em ol yang-pela na i gat wanwan representativ pilaia tu i stap wantaim ol.

Kosa Phaisa Sami long las wik Sande i bin tokaut long 28 pilaia husat bai tren long skwat. Na ol bai dropim 6-pela moa na namba tru em 26 long makim Lae.

Ol pilai ya em Ake Jobi, Elizabeth Morgan, Miti Seth (Nadzab), Julie Yagum, Barra Peka, Rose Zatura, Giatup Barry, Helen Nesepe, Sophie Tiagat, Edna Thomas, Melanie William (Bara), Yaeng Dingel, Wips Nugur, Kay Ella, Monica Ray, Didiya Bane Martha Raka, Gajera Saun (Waliya), Stella Kama, Madeline Mathew (Saints), Kessie Towika, Betty Ronuc, Mike Ilai (Borabora), Judith Herman (University) Freda Yamis, Dan-

geo Gedeng, Lorraine Altus (Poro) na Cathy Limbai (Blue Kumuls).

Kosa Sami i tok olsem em i mas lukluk gut long ol pilaia gen bipo long em i tokaut long fainel lista bilong skwat long neks wik Sande.

"Trening bai stap long disiplin," Sami i tok. "Neks wik em las wik bilong trening na trening bai stap long Mande, Trinde na Fonde."

Sami i gat bikpela bilip long tim bilong em bai win na lukim olsem bikpela salens bai kam long Hagen o Wabeg. Tasol em i gat ol ki pilaia olsem Ella, Peka, Herman, Kama na Thomas.

"Mi bai putim bikpela presa long ol representativ pilai olsem Ella na ol narapela long brukim umben bilong ol narapela tim na givim sapat long ol junia pilaia." Sami i tok.

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

## INSAIT




- Pawa boksen kirap gen...33
- Goroka sevens resis kisim helpim yet long 1994....p34
- Ice kolim ol Posino...p35
- Ol Wiken poto...p 31
- Wiken Dro/Poin lata...p32

Ragbi lig long PNG na Sidni..8 pes



*Nupela Paga Panthers...Paga Panthers A gret tim bilong dispela yia i narakain. Em i gat ol sampela biknem na gutpela pilaia bilong Mosbi ragbi lig resis. Sampela bilong ol dispela man em Kaipel Kanaka, Nelson Paul husat i bin helpim Panthers i win las wiken, Michael Toivita na planti arapela pilaia olsem. Dispela tim nau aninit long lukaut bilong ol Jakis brata olsem kosa na trena, i wok long kamapim bikpela bagarap long Mosbi resis.*





# REBO

REBO GIWIM SIKSTI I GO NA SAIM KAR I GO LONG ARERE STRET... OL RASKOL I TING REBO BAI BAMIM OL, OLSEM NA OL I KALAP IGO INSAIT LONG BUS!!!



OL I BELHAT NOGUT TRU... OLGETA KALAP LONG KAR NA BIHAINIM REBO!!!



REBO DRAIV IGO NA LUKIM OL I KANTONG BEKSAIT... SPID TRU!!!



REBO SAVE LONG OLGETA KONA BILONG HAIWE!!!



TRU TUMAS... OL RASKOL I KAM SPID TRU NA OL I KAPSAIT LONG KONA STRET.



REBO LUKIM OL I KAPSAIT NA LAP NOGUT TRU LONG OL!!!



# HEY, WANTOK!

YU LAIK RITIM NIUSPEPA LONG TOK- PLES BILONG YUMI?... ORAIT, BAIM

## WANTOK

NIUSPEPA BILONG OL PAPUA NIUGINI STRET

EM NIUSPEPA BILONG YUMI OL PAPUA NIUGINI STRET!

INO DIA TUMAS. 40 t t asol!

# RAUN BILONG BAMBELLI

.. STORI LONG LAS WIK..

BAMBELLI EM I KALAP LONG DIWAI... LUKLUK AUT NA EM I LUKIM OL DISPELA LAIN MAN. BIPO EM BAI TING OLSEM PLENTI PAIT MAN. TASOL BIHAIN, EM I SAVE OLSEM SANGUMA HETMAN MEROGITA.

Orait, lukim komik gen...




HUSAT BAI KAMAP MIT BILONG ALTA?



OL LAIN MAN ABRUSIM ANANIT BILONG DIWAI WE BAMBELLI EM I HAIT I STAP

GUT GOD! EM TALIHA NA REVEREN CONRAD



OL IGO INSAIT LONG BIK, BIKBUS TRU

BAMBELLI EM I STAP KLOSTU BIHAIN LONG OL



MI MAS SEIVIM TALIHA NA REVEREN CONRAD



TASOL WANEM? PLENTI PAIT MAN

# SAMMY BEKIM DINAU LONG BULLY BOIS

**I gat PAWA!**

**SUPA SWIT MOA**  
The Taste of Paradise

**SAMMY SAVE PRET LONG GO SKUL OL BULLY BOIS I SAVE PAITIM EM NA STILIM LANS MONI BILONG EM...**

LUKIM YU LONG APINUN SAM... YU MAS SKUL CUT !!

MI PRET LONG GO SKUL !!

MI LES LONG OL BULLY BOIS I PAITIM MI!!

"MAMA NA PAPA I NO SAVE OLSEM SAMMY I NO SAVE GO SKUL. EM I SAVE GO RAUN LONG TALIN..."

NOKEN TOKIM WANPELA MAN! NOGUT YU KISIM BAGARAP!!

OL I SAVE PAITIM MI NA STILIM MONI BILONG MI... MI NOGAT STRAK!

EM KARAI I STAP NA SUPA SWIT MOA I HARIM EM!!!

BOOHOO! MI LAIK GO SKUL TASOL BAI MI MEKIM WANEM?

ATING DISPELA BOI I GAT LIKLUK WARI? MI GO LUKIM EM PAS-TAIM!!

HAIO, SAMMY! OLSEM WANEM NA YU KARAI? NA BILONG WANEM NA YU NO STAP LONG SKUL?

MI LAIK GO SKUL TASOL OL BULLY BOIS I SAVE PAITIM MI NA MI LES LONG GO SKUL!

HA! HA! HA!

OH-HO! EM OL TASOL I LUKLUK LONG MI!

HA! HA! HA!

"LONG SKUL OL BULLY BOIS I LUKIM EM NA OL I PASIM TOK LONG PAITIM EM LONG BELO TAIM..."

EM NALI!

BELO NALI SUPA SWIT MOA I TANIM OLSEM INVISIBOL MAN NA SANAP LONG FRAN BILONG SAMMY!!! TAIM OL BULLY BOIS I TROMOI HAN, OL I PAITIM STRONGPELA BEL BILONG SUPA SWIT MOA NA OL I KISIM TAIM STRET!!

HA! HA! HA!

AEEE! HAN BILONG MI I BRUK YAH!!

KAMBEK NA PAIT! YU PRET NAU!

OUCH!

Ringlida bilong ol bully bois i ting em i paitim sammy, tasol nogat, em i wok long paitim strongpela bel bilong Supa Swit Moa na em kisim taim stret !!

# MUSIK NA TELEWISIN

PAPUA NIUGINI



## Papa Kela redi long kukim 1994 Mosbi So

LONG las yia Mosbi So, em i bin mekim planti man, meri na pikinini i singaut nabaut taim em i singim wangepela stail singsing ol i kolim long *Papa Kela* long kain nek na we bilong ol Sepik.

Long dispela taim, planti sapota bilong em i bin kalap na danis nabaut. I no long taim na ol man meri na pikinini i kalap nogut taim wangepela diwai i kamaut long as na i pundaun. Ating pawa bilong *Papa Kela* i mas go insait long as bilong dispela diwai na bagarapim em o olsem wanem.

em pasin jeles. Sepas i tok sapos i no gat pasin jeles namel long ol musikman long Is Sepik provins, i luk olsem PS Kantri bai gat planti gutpela musikman.

Willie Sepas i mekim dispela tupela hap tok taim *Wantok Niusepepa* i bungim em long Wewak tupela wik i go pinis.

Sepas i tok em i wok long redim nau ol

singsing bilong katim narapela kaset. Bihain long 1994 Mosbi So, em bai katim dispela kaset.

Wangepela nupela singsing em i redim pinis bilong nupela kaset ya em *Sepik Poro*. Dispela singsing i stori long wangepela meri Bewani bilong Wes Sepik taim em i bungim em long Lae. Tupela i pren long *Tok Pisin* tasol na bihain

meri i lusim Lae na go long Bewani.

Planti pipel i bin kaikaim tit, lap na singaut nabaut taim em i singim dispela singsing long Wewak taun long wangepela Sarere.

Na long wanem samt-ing i kamap long hap, i luk olsem dispela kaset bai sutim bel na mekim ol lek i meknais.



• Hap brus i hangamap long yau na Sepas i hatim skin long Wewak taun. Hia em i hatim singsing bilong tok save long nupela kaset em i wok long redim nau bilong katim. *Poto na stori: Godfried Yassafar.*

## I KAM LONG Ela Motors OL WIL BILONG NESEN


### AMERICAN TOP FORTY

AS AT 02/04/94

CUR.	TITLE	ACT NAME
1.	<i>The Sign</i>	Ace Of Base
2.	<i>Without You</i>	Mariah Carey
3.	<i>The Power Of Love</i>	Celine Dion
4.	<i>Because Of Love</i>	Janet Jackson
5.	<i>Mr Jones</i>	Counting Crows
6.	<i>So Much In Love</i>	All-4-One
7.	<i>Mary Jane's Last Dance</i>	Petty And The Heartbreakers
8.	<i>Baby I Love Your Way</i>	Big Mountain
9.	<i>Found Out About You</i>	Cin Blossoms
10.	<i>Breathe Again</i>	Toni Braxton
11.	<i>Now And Forever</i>	Richard Marx
12.	<i>Stay</i>	Eternal
13.	<i>Whatta Man</i>	Salt-N-Pepa
14.	<i>The Most Beautiful Girl</i>	Prince
15.	<i>Rock And Roll Dreams</i>	Meat Loaf
16.	<i>Amazing</i>	Aerosmith
17.	<i>Cantaloop (Flip Fantasia)</i>	Us3
18.	<i>Streets Of Philadelphia</i>	Springsteen
19.	<i>Choose</i>	Color Me Badd
20.	<i>Mmm Mmm Mmm</i>	Crash Test Dummies
21.	<i>Because The Night</i>	10,000 Maniacs
22.	<i>All For Love</i>	Adams/Stewart/Sting
23.	<i>Please Forgive Me</i>	Bryan Adams
24.	<i>I'm In The Mood</i>	Ce Ce Peniston
25.	<i>Dreams</i>	Gabriella
26.	<i>Shoop</i>	Salt-N-Pepa
27.	<i>All That She Wants</i>	Ace Of Base
28.	<i>Queen Of The Night</i>	Whitney Houston
29.	<i>Linger</i>	Cranberries
30.	<i>Hero</i>	Mariah Carey
31.	<i>I Can See Clearly Now</i>	Jimmy Cliff
32.	<i>Loser</i>	Back
33.	<i>Come To My Window</i>	Melissa Etheridge
34.	<i>Life (Everybody Needs Somebody)</i>	Jimmy Cliff
35.	<i>Groove Thang</i>	Zhane
36.	<i>Return To Innocence</i>	Engima
37.	<i>Love Sneakin' Up On You</i>	Bonnie Raitt
38.	<i>And Our Feelings</i>	Babyface
39.	<i>Daughter</i>	Pearl Jam
40.	<i>Everyday</i>	Phil Collins

## EMTV TELEWISIN

THURSDAY 14TH APRIL, 1994		PASTOR WALO ARNI		NATIONAL EMTV NEWS REPLAY	
6.27	STATION OPEN	12.00	STATION CLOSE	12.00	NATIONAL EMTV NEWS REPLAY
6.00	INT NEWS (G)		FRIDAY 15TH APRIL, 1994	12.57	MEDITATION WITH PASTOR WALO ARNI
6.30	DAY BREAK NEWS (G)	5.57	STATION OPEN	12.30	STATION CLOSE
7.00	TODAY SHOW (G)	6.00	US MASTERS GOLF	12.27	SATURDAY 16TH APRIL, 1994
9.00	STATION CLOSE	6.30	DAY BREAK NEWS (G)	12.30	STATION OPEN
1.30	MIDDAY SHOW (G)	7.00	TODAY SHOW (G)	12.30	GILLETTE
3.00	KIDS KONA (G)	9.00	STATION CLOSE	1.00	WIDE WORLD OF SPORT
	SESAME STREET	1.20	STATION RE-OPEN	6.00	NATIONAL EMTV NEWS
4.00	THE BOOK PLACE (G)	1.27	EMTV TOK SAVE	6.30	HEY HEY IT'S (G)
4.30	FRANKENSTEIN JR	1.30	MIDDAY SHOW (G)	8.30	NCDC NEWS (G)
5.00	THE ADVENTURES OF SKIPPY (G)	3.00	SESAME STREET (G)	8.45	EMTV TOK SAVE (G)
5.27	EMTV TOK SAVE	4.00	THE BOOK PLACE (G)	9.00	BURK'S BACKYARD (G)
5.29	EMTV NEWS BREAK	4.30	FRANKENSTEIN JR	11.00	HAWAII 5-0 (G)
5.30	HOME AND AWAY (G)	5.00	THE ADVERTURES OF SKIPPY (G)	11.00	FOCUS (G)
6.00	NATIONAL EMTV NEWS	5.27	EMTV TOK SAVE	11.30	NATIONAL EMTV NEWS REPLAY
6.30	A CURRENT AFFAIR (G)	5.29	EMTV NEWS BREAK	11.57	MEDIATION WITH PASTOR WALO ARNI
7.00	SALE OF THE CENTURY (G)	5.30	HOME AND AWAY (G)	12.00	STATION CLOSE
7.30	LOTTO (G)	6.00	NATIONAL EMTV NEWS	12.00	SUNDAY 17TH APRIL, 1994
7.35	NEIGHBOURS	6.30	A CURRENT AFFAIR (G)	7.57	STATION OPEN
8.00	FIZZ (G)	7.00	THE NEW SALE OF THE CENTURY (G)	8.00	BUSINESS SUNDAY
9.00	BEYOND 2000	7.30	NEIGHBOURS	9.00	SUNDAY
10.00	RESCUE 911	8.00	AUSTRALIA'S FUNNIEST HOME VIDEO SHOW (G)	11.00	WIDE WORLD OF SPORT
10.30	A COUNTRY PRACTICE	8.30	RUGBY LEAGUE	12.00	THE FOOTY SHOW
11.30	NATIONAL LM-TV NEWS REPLAY	10.40	EMTV TOK SAVE (G)	1.00	MUSIC & THE SPOKEN WORD
11.57	MEDITATION WITH	10.50	NEWS MAGAZINE (G)		
		11.00	JACK & THE FATMAN(G)		



6.00 NATIONAL EMTV NEWS  
6.30 RUGBY LEAGUE  
7.30 60-MINUTES (G)  
8.30 SUNDAY NIGHT MOVIE "Genghis Khan"  
9.57 CHT CHAT WITH SIR PAULIAS MATANE  
10.00 BONANZA  
11.00 NATIONAL EMTV NEWS REPLAY  
11.27 MEDITATION WITH PASTOR WALO ARNI  
11.30 STATION CLOSE

## PNG TOP TWENTY

AS AT 09/04/94

NO.	SONG	ARTIST
1 (2)	<i>Mi Lonely Nau</i>	Kopex
2 (1)	<i>Bolbol La Kaive</i>	Emfo Band
3 (5)	<i>Hangu Panu</i>	Old Dog & Offbeats
4 (3)	<i>Honiara</i>	Basil Greg
5 (4)	<i>Misout Tam</i>	G Telek
6 (5)	<i>Emi No Isi</i>	Basil Greg
7 (7)	<i>Askere</i>	Hollie Maia
8 (8)	<i>Pait Nating</i>	Leonard Kania
9 (10)	<i>Sailor</i>	Navigators
10 (11)	<i>Kaipunaki</i>	Histy Golou
11 (9)	<i>Kir Ta Prove</i>	Kokotatts
12 (14)	<i>Chako Chako</i>	Chaco Chaco
13 (17)	<i>Likluk Raun</i>	Jr Molacks
14(0)	<i>Marimari Blong God</i>	M. Manimbi
15 (12)	<i>Afi Biria</i>	Sugi Kuwic
16 (18)	<i>Ekiki Awe</i>	Local Beats
17 (16)	<i>Swit Smile</i>	Vuvu Vibration
18 (15)	<i>Iau Rejected</i>	Kopex
19 (13)	<i>A Bull Wantok</i>	G. Telek
20 (20)	<i>Oro Medley</i>	Alo Pops

• Ratings based on requests on Radio Kalang and not cassette sales.

**ELA MOTORS - OL WIL BILONG NESEN**

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.